

BONERIANO

“
Pone bo
palabranan
den akshon i
no permiti pa
bo lenga papia
torpeza
BONERIANO

EDITOR:
Bonaire Communication Services N.V.

Djaluna 19 Febrüari 2024 | Preis: \$1.25

BOTIKA SABANA TA SERA PORTA

Kachó privilegiá na Rincon



E kachó riba e foto aki ta privilegiá. E dos mucha muhénan riba e foto aki ta keiru kuné den wig. E foto ta muestra ademá kon dos mucha, un di nan di orígen chines i e otro visiblemente di orígen lokal, a meskla ku otro. Bunita!



HAIR BARBERSHOP
Hanchi lenks pabou di Gas Ekspres
Habri 5 dia!
Tel: +599 788-2228 / +5999 529-2228
hair cut
www.hairbarbershop.com

CHANGAN AUTO

HUNTER
/dabboussimotors

\$10 FREE SLOT PLAY
Sign up for your FREE Player's Card and receive \$10 in FREE Slot Play!
Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available
DIVI FLAMINGO CASINO

PA TUR BO
PIESA I TIRE
PA BO AUTO,
BUS OF TRUCK
NAPA
KAYA CARLOSA NICOLAAS | 717-6272

xerox

OBERSI ELECTRONICS BONAIRE

Clark Abraham:

“Pista di fever no tin maneho”

KRALENDIJK – Diputado Clark Abraham a bisa ku tin un grupo ta hasi manera nan ta doño di e pista di fever i otronan tin ku sigui na manera ku grupo ta deseá. Tambe

a tuma nota ku no tin un struktura e momentu ku ta uza e plenchi. Abraham a bisa: “Nos ta sintando na mesa ku direktor di INDEBON Terrence de Jongh, pa

yega na palabrashon, kon pa manehá e pista na un manera profeshonal. E mester ta di tal manera ku tur hende tin aksesu na e pista, dimes teniendo kuenta ku e reglanan di e

deporte.”

Tambe diputado Clark a bisa tokante e asunto di e pista di dragrace ku tur hende ta pendiente di dje fin di aña awor. “Pa loke ta trata e asunto di pista di dragrace, nos komo gobièrnu nobo ku e sinta, a bai buska pa sa mas a fondo, kon leu e asunto ta. E bèrdat ta, nos a papia ku Indebon i otro departamentonan konserní, niun no por a mostra un dokumento òf plan ku tin pa traha pista di dragrace. No tin niun fondo disponibel pa e asunto aki.

Por a tende aki aya ku nan ta bisa Clark a para proseso pa traha pista di dragrace. Un kos mi por bisa, no por para nada ku no ta eksistí. No tin presupuesto pa niun pista di dragrace na Boneiru. Mi ke pa un hende presentá e eiland besluit, ku ta trata pa traha pista di dragrace. Awor mester bai wak kon ta atendé ku e situashon, kaminda a krea e pensamentu ku pista ta na kaminda.

Nos ta buskando e manera mas apropiá pa atendé e asunto.”



Rijksdienst Caribisch Nederland

DESTAHO SUMINISTRO DI KUMINDA DEN E INSTITUTO HUDISIAL HULANDA KARIBENSE

Instituto Hudisial Hulanda Karibense (JICN) bou di enkargo di Minister di Hustisia i Siguridat ta ehekutá kastigu i medida ku ta kita libertat imponé mediante sentensia di un hues. E lokalidat Boneiru ta fungi tantu komo un kas di detenshon komo un prizòn pa Boneiru, Sint Eustatius i Saba. Tin kapasidat pa hende hòmber, hende muhé, estranhero i hóben.

JICN ta responsabel pa suministro di kuminda na detenido i aktualmente ta buska partidonan interesá ku por suministrá e kumindanan aki tur dia na e detenedonan. Tin un menú semanal ku ta traha kuné, pa e detenido por indiká su preferensia i pa duna interesado chèns pa hasi kompra na tempu.

Pa bini na remarke pa e tarea aki, bo mester kumpli ku e siguiente kondishonnan:

- Diariamente proveé i suministrá alrededor di 230 kuminda a base di pan pa dia na tempu (desayuno i sena) na e lokalidat di JICN;
- Bo mester ta establese na e isla;
- Bo mester disponé di un Deklarashon Tokante Kondukta (VOG) bálido;
- Bo mester ta inskribí den e registro di Kámara di Komersio pa e tópiko di e destaho aki.

Si bo tin interes pa e tarea aki, bo mester registrá bo mes pa mas tardá dia 5 di mart 2024, 12 or di mèrdia (CNT) via aanbesteding@rijksdienstCN.com. Riba e fecha menshoná bo ta risibí e dokumentonan nesesario pa e destaho.

Un investigashon di antesedente por forma parti di e destaho aki.



Blijkens exploit d.d. 16 februari 2024 van gerechtsdeurwaarder R.C. Anzola te Bonaire CN, is op verzoek van Jessica Felicia Semeleer, wonende te Bonaire CN, aan **1. Signa Celia Coffie 2. Miranda Juanita Semeleer, 3. Leonardo Daniel Semeleer, 4. Mario Simon Semeleer, 5. Antje Gezina van Wijk, en alle overige belanghebbenden**, thans zonder bekende woonplaats of feitelijk verblijfplaats binnen Bonaire, ten parkette van de Officier van Justitie BES betekend het afschrift van het (tussen)vonnis d.d. 24 januari 2024 van het Gerecht In Eerste Aanleg BES, zittingsplaats Bonaire, waarin bovengenoemde – en alle overige belanghebbenden wederom worden opgeroepen ingevolge artikel 3:27 BW BES, om op **woensdag, 20 maart 2024 om 09:05 uur** te verschijnen in het Gerechtsgebouw in het Fort Oranje op Bonaire, aan het adres Plasa Reina Wilhelmina no. 1, voor de mondelinge behandeling van deze zaak, waarbij dit verzoek strekt er toe voor recht te verklaren dat 1) Jessica Felicia Semeleer en alle (mogelijke) belanghebbenden rechthebbenden zijn op het eigendomsperceel, gelegen te Noord Saliña op Bonaire, kadastraal bekend als afdeling 4, Sectie D, Nummer 420, groot 1.420 m² (stenen huis en erf) welk perceel volgens de schriftelijke inzage van het Kadaster ter name staat van ‘Eigenaar Onbekend’, met als opmerking: ‘Volgens inlichtingen in het terrein staat de naam van Pieterella Thomas, overleden per adres Cefilia J. Semeleer geboren Thomas (...)’ en de verdeling daarvan te gelasten. Geslachtsnamen van mogelijke deelgenoten zijn onder meer Thomas, Semeleer en Coffie, 2) dat een kopie van het verzoekschrift is op te vragen bij de griffie in het Gerecht in Fort Oranje te Bonaire.

Na deugdelijke legitimatie kan een afschrift van genoemd exploit van betekening door belanghebbende(n) worden verkregen op het onderstaand adres:

R.C. Anzola
Gerechtsdeurwaarders & Incasso,
Kaya Gilberto F. Croes no. 2,
T (+ 599) 700 7405 T (+ 599) 717 0425,
danwel per e-mail: info@rcanzola.com

Mariadal ku monopolio di botika:

BOTIKA SABANA TA SERA PORTA

KRALENDIJK - BONERIANO ta disponé di informashon ku Botika Sabana ta bai sera su p;ortanan. Di fuentenan digno di krédito nos a komprondé ku entrante aprel 2024 e botika ta stòp ku servisio di farmasia na komunidad boneriano. “No por sigui bringa tur e kontratempu di parti ZJCN. E kos aki ta inhuistu”, nos

fuenta ta bisa. **BONERIANO** a hasi algun investigashon i nos a diskubrí ku mientrastantu gerensia di e botika a stòp tur pedido nobo pa remedi. “No ta buska mas remedi. Ora e stòk kaba, ta kla.” Ta un echo ku ta difísil pa Botika Sabana kompetí kontra Fundashon Mariadal (Mariadal). Por nota ku últimamente mayoria

dòkter di kas ta manda resèpt direktamente pa Mariadal. Kasi no ta konsiderá e opshon di manda e resèpt pa Botika Sabana. Ta e pashènt mester insistí pa esaki. Botika Sabana ta e úniko botika privá riba nos isla i na momentu e stòp di ta operashonal, Fundashon Mariadal (Mariadal) tin monopolio di botika. Un situashon sigur kuestionabel, mirando ku un siudadano no tin otro eskoho. Ainda ta fresku den memoria momentu ku Boneiru a enfrentá skarsedat di remedi. Na momentu ku a akudí na Botika di Mariadal ku resèpt pa tuma remedi tabata haña splikashon ku e remedi spesífiko no ta

disponibel i pa bolbe bèk. Por lo ménos tabatin Botika Sabana pa yena e bashí aki. Ademas kiko ta pasa na momentu ku un siudadano no ta satisfecho ku e servisio di Mariadal? Unda otro por bai? Esaki ta mihó pa Boneiru? **Gobièrnu lokal** nunca tabata na fabor di situashon di monopolio riba tereno di salubridat. **BONERIANO** a aserká Nina den Heyer komo e diputado ku mester vigilá salú públiko. “Mi no ta na haltura di e informashon aki. Sí ta asina, sigur esaki ta un lástima. Mesora mi ta bai profundisá den esaki”, Den Heyer ta sigurá. **Desaroyo pekuiliar** E desaroyonan konserní salubridat públiko na

Boneiru ta pekuiliar. Mariadal pronto tin monopolio di botika i ademas kanando den direkshon pa tin monopolio di laboratorio. Den silencio e desaroyonan ta tuma lugá. Dikon ainda no a tende niun reakshon di parti sekretario di estado tokante e karta ku gobièrnu a manda pa Ministerio di Salubridat Públiko, Bienestar i Deporte (VWS) tokante Bonlab? Mariadal ta hopi den publisidat e último tempu. E pregunta ta surgi, sí Mariadal ta enfoká riba tur tipo di tarea, na ki momentu e ta dediká na su tarea prinsipal? **BONERIANO** su intento pa drenta den kontakto ku gerensia di Botika Sabana no tabata fruktífero.




EDITORIAL

CLARK TA SU PIÓ ENEMIGU

BONERIANO mester yega na e konklushon ku Clark Abraham ta su pió enemigu. Poko poko pero sigur ta nota kon Abraham ta destruí su mes. Tristes ta, ku niun hende mester saka klechi-gate òf kualke otro iregularidat kontra e polítiko. E mes, su so ta kana riba un kaminda ku al final ta yega na frakaso. Kon otro por deskribí e aktitut di e polítiko aki últimamente? Un aktitut ku a eskalá i klaramente a bira kuestionabel. Den oposishon e lider di e partido kòrá a yama su mes sirbidó di pueblo. Dikon awor den koalishon el a bisti bachi di un diktador? No ta importante kuantu rosa bo parti riba dia di San Valentino. E ámtenar ta apresiá na momento bo demonstrá rèspèt mutuo. I no e aktitut ku ta abo ta manda. Nos ta na haltura ku Abraham su manera denigrante tin basta hende kansá. Pero e no ta keda te aki. Awor e polítiko aki a subi su kabai i ta ataká prensa? Kada bes ora dirigí preguntanan den su direkshon e ta kontestá den atake. Ku ki intenshon? Ta **BONERIANO** mester splika e diputado aki ku no sa fòrsa bèrdat? Si loke bo ta trese dilanti ta e úniko bèrdat, trankilisá i papia respetuoso pa tur por skucha. Aktitut di Abraham, ta djis fis. No tin otro palabra pa deskribié. E gobièrnu aki tur siman ta tene un enkuentro informativo ku prensa. Un inisiativa ku **BONERIANO** a aploudí. Sinembargo loke a kuminsá komo un bon inisiativa a para bira un plataforma pa Clark Abraham desplegá un aktitut arogante, su propio guerra pa poder. Abraham ta hiba un guerra kontra

tur ku den su pensamentu ke deskredit'e. Preguntanan di prensa ku e ta konsiderá no apropiá por konta ku un mirada desinteresá asta di menospresio. Abraham su manera di trese sierto punto dilanti ta laga e hende pèrdè e mensahe. Ta un lástima ku Anjelica Cecilia i Nina den Heyer tur siman ta partisipá na e 'poppenkast' di Abraham. Pa **BONERIANO** mihó laga e ámtenar ku ta dominá un tópiko bin trese informashon na e pueblo. Kisas 1 bia den tres luna skucha di e diputadonan konserní. Simplemente pasombra ta hasi doló na wowo i orea mira tur siman kon Clark Abraham ta hincha di orguyo ku kámaranan dirigí riba dje. Un kos ta sigur, ta opvio ku den Dinastia di Abraham no ta tur generashon a siña kiko ta sabiduria di prensa. Sinembargo **BONERIANO** mester admirá algun ferviente simpantisante di partido Demokrat. Apesar ku nan ta sostené e gobièrnu nan ta desaprobá e kondukta di lider di e partido. **BONERIANO** no ta kere den disimulá. Hopi ta kompartí nos opinion ku Clark Abraham no ta desplegá un aktitut digno di un representante di pueblo. Sinembargo nos ta ekspres'é sin miedo.



Ladronisia di dos skuter

KRALENDIJK -- Den oranan di mardugá a drenta keho di ladronisia di dos skuter ku tabata stashoná dilanti di un estableimentu nokturno situá riba Kaya Prinsès Marie. Ta trata di un skuter koló pretu di marka Kymco tipo Agility i un skuter koló pretu ku maron di marka Sym tipo

Orbit.

Ámbos doño tabata den un estrablesimentu nokturno i despues ku nan a sali pafó a tuma nota ku a hòrta e skuternan.

Esnan ku a mira òf tende algu por bèl Bel 911 of 717 800 òf e liña di tep anónimo 9310.

Bebida den bòter di glas prohibí

KRALENDIJK -- Durante e parada di karnaval na Playa siman pasá, polis a atendé ku tres estableimentu di hóreka ku tabata bende bebida den bòter di glas, despues di kua nan a kuminsá hasi uso di kùp di plèstik.

Banda di esei a hasi un tèst di supla ku tur shofùr ku tabata forma parti di e parada di karnaval riba uso di alkohól, for di kua

a resultá ku tres shofùr a konsumi mas alkohól ku ta permití na momentu ku bo ta tras di stür.

A saka nan for den e parada pa seguridat di tur presente.

Ta importante pa mensioná ku promé ku e parada, a instruí organsadónan di karnaval pa avisá tur shofùr ku nan no por konsumi alkohól tras di stür.

Shofùr bebí ta kousa aksidente

KRALENDIJK -- Alrededor di 8.35 or di anochi un aksidente entre un outo i un pikòp a tuma lugá riba Kaya Monsigneur Nieuwindt. E outo a dal

den un pikòp i despues den un palu di lus. Despues, e shofùr di e outo a sali for di su vehíkulo i a bandoná e sitio di e aksidente.

Miéntras ku polis a yega

na e sitio i tabata atendé ku e víktima, e shofùr di e outo a bini bèk na e sitio. A detené e shofùr di e outo, un hòmber di inisial J.S.G. di 30 aña di edat, pa

manhá bou di influensia di alkohól i a dun'é un but pa manhá sin reibeweis bálido, sin plachi di number i sin seguro bálido.

Alrededor di 7.30 or di anochi, 'meldkamer' sentral a risibí notifikashon di un aksidente entre un outo i un pikòp riba Kaya Nikiboko Nort. E shofùr di e outo a resultá heridá i ambulans a transport'é pa hòspital pa tratamentu médiko.

For di investigashon ku e departamento di tráfiko di KPCN a hasi, a resultá ku e pikòp tabata kore mas duru ku e velosidat permití.

Un aksidente entre un skuter i un pikòp a tuma lugá riba Kaya Internashonal. E shofùr di e skuter a deklará ku el a pèrdè kòntrol riba su stür den un bògt i pa e motibu aki el a resultá ku su skuter riba e otro banda di kaminda. E shofùr di e pikòp ku tabata bini for di direkshon kontrali, a dal frontal den e skuter.

E shofùr i e pasahero di e skuter tabatin un hèlm bistí pero a resultá heridá. Ambulans a transportá ámbos pa hòspital pa tratamentu médiko.

Detenshon pa destrukshon i maltrato

KRALENDIJK -- Den oranan di mardugá polis a detené un hòmber di inisial C.L.B.S. di 25 aña di edat pa destrukshon. E sospechoso a destruí bentana i spil di un vehíkulo. Doño di e vehíkulo a entregá keho na polis i a detené e sospechoso.

Riba djadumingu 11 di febrüari, alrededor di 10.40

or di anochi, 'meldkamer' sentral a risibí notifikashon di un situashon kaminda un hòmber a maltratá un dama riba Kaya Tintorero. A detené e hòmber di inisial L.A.G.M. di 22 aña di edat pa maltrato. E sospechoso no tabata ke duna oido na òrdu di polis pa koperá ku su detenshon i tabata resistí fuertemente. Pa e motibu

aki mester a hasi uso di forza brutu pa realisá su detenshon.

Un patruya polisial na pia a detené un hòmber di inisial A.P. di 21 aña di edat riba Kaya Nikiboko Sùit pa maltrato. E sospechoso a maltratá un dama na altura di un estableimentu riba e mesun kaya. Ta investigando e kaso.

Polis ta sigui parti but

KRALENDIJK -- Den oranan di atardi riba djamars 13 di febrüari a tene un kòntrol di tráfiko plania riba Kaya Korona. Durante di e kòntrol aki a kontrolá un total di 16 vehíkulo, di kua 3 shofùr a haña un but. E butnan tabata pa: 2x manhá sin seguro bálido; 1x manhá ku un reibeweis kaduká.

KPCN ta hala atenshon di un i tur pa nan tin e dokumentunan nesario manera mensioná akiriba, na òrdu.

Tambe ta konsehá estriktamente pa kumpli ku e reglanan di Lei di Tráfiko. Ku esaki bo tambe ta kontribuí na un tráfiko seif i sigur riba e isla. E periodo benidero lo bai

tene kòntrol regularmente, kaminda lo aktua ku man duru na momentu ku no tin e dokumentunan mensioná ariba na òrdu i tambe si no ta kumpli ku reglanan di tráfiko. Bo no ta kumpli ku reglanan? Bo por haña un but.

E suma di un but pa e violashonnan mensioná ta varia entre \$30 te ku \$225.

HUSTISIA



Basta but pa violashon den tráfiko

Entre djaluna 29 di yanüari i djáragon 14 di febrüari a duna vários but pa violashon den tráfiko durante di kòntrolnan rutinario.

Esakinan tabata lo siguiente:

- 5x pa manhá sin plachi di number;
- 4x pa tene telefòn den man miéntras ta stür;
- 4x pa manhá sin faha di seguridat bisti;
- 3x pa manhá den direkshon prohibí;
- 8x pa manhá sin hèlm bisti;
- 7x pa manhá sin seguro bálido;
- 5x pa manhá sin reibeweis bálido;
- 2x pa stashoná robes.

Outo ta dal siklista

KRALENDIJK -- Un aksidente entre un outo i un siklista a tuma lugá riba e rotònde ku ta konektá Kaya Nikiboko Sùit ku Kaya G.F. Betico Croes i Kaya Kanari. Shofùr i e outo a deklará ku e tabata kier a sali for di rotònde subi Kaya Nikiboko Sùit bayendo den direkshon nort. E siklista tabata kore su dilanti.

E shofùr di e outo a

kere ku e siklista tambe lo a sali for di rotònde, subi Kaya Nikiboko Sùit den direkshon nort. Pero e siklista a sigui kore den rotònde bayendo direkshon di Kaya G.F. Betico Croes dor di kua e outo a dal e siklista. Ambulans a transportá e siklista pa hospital pa kòntrol i tratamentu médiko.

HUSTISIA



Fiskal Marian Veneberg ta regresá Hulanda

KRALENDIJK - Djaweps 15 di febrüari último fiskal Marian Veneberg a trese su último kaso dilanti hues na Boneiru. Awor a yega e momentu pa Veneberg regresá Hulanda. Veneberg a kuminsá traha promé di ougùstùs 2020 komo fiskal na Boneiru, na aprel 2021 e tabata enkargá komo fiskal mayó. Sinembargo e no a keda largu den e funshon aki i a bolbe fungi komo fiskal. Ministerio Públiko di Boneiru ta pèrdè awor un fiskal ku tin mas di 30 aña di eksperensia. BONERIANO a hiba kombersashon ku e fiskal tokante su eksperensia na Boneiru. “Mi ta konsehá tur hende pa traha un temporada aki. Bo ta bira kreativo pa por logra algu den bo trabou. Bo

ta siña pensa ‘out of the box’. Sigur bo abilidatnan ta desaroyá”, el a bisa. Veneberg tin 63 aña di edat i ta stòp kompletamente komo fiskal. “Mi ta baha ku penshun i lo sigui bin Boneiru ku mi famia sigur pa pasa wenter”, el a splika.

Mester menshoná ku bou di sospechosonan e fiskal aki ta konosí komo estrikto

i pa su frase famoso: “Bai i no peka mas.” Veneberg ta enfatisá di a siña hopi aki na Boneiru. “Kiko mi ta hiba ku mi? Realisá kon bon nos tin na Hulanda. E limitashon ku bo tin na Boneiru, ta un luho pa traha na Hulanda.

Kaminda tin tur klase di posibilidat i tur kos ta klaro.”



Kiebro den kas

KRALENDIJK -- Alrededor di 10.50 or di anochi, ‘meldkamer’ sentral a risibí notifikashon di kiebro den un kas na Kaya Neerlandia. E habitantenan di e kas a deklará ku nan no tabata na kas na momentu di e kiebro i na momentu ku nan a yega kas nan a ripará

ku a horta algun artíkulo. Esta algun prenda, un lampi i sèn kèsh. Ta investigando e kaso. Kuerpo Polisial Hulanda Karibense ta hasi yamada na un i tur ku a mira òf ku tin informashon tokante e sospechosonan, pa tuma kontakto ku polis via 715 8000 òf via di e liña di tep 9310.

Detenshon pa manehá bou di influensia

KRALENDIJK -- Riba djaweps 15 di febrüari, alrededor di 8.15 or di anochi, a detené un hòmer di inisial E.J.d.J. di 72 aña di edat riba Kaya Korona pa manehá bou di influensia di alkohòl. E sospechoso tabata enbolbí den un aksidente entre dos outo riba un sitio di stashoná outo na Kaya Tintorero i tabata ke bandoná e sitio.

Un persona ku tabata presente na e sitio a par’è.

Durante un kòntrol por a nota vários karakterístika ku ta indiká ku e tabata bou di influensia di alkohòl. A dun’é òrdu pa hasi un tèst di supla pero despues di a purba tres biaha e sospechoso no por a hasi e tèst di supla i a detené. En konekshon ku resultado di un anáalisis di rosea ku a hasi kuné na warda di polis, a konfiská su reibeweis. No tabatin herido na e aksidente.

E butnan tabata pa lo siguiente:

11x pa manehá sin faha di seguridat bistí;

1x pa tene telefòn den

Ladronisia di skuter

KRALENDIJK -- Riba djárason 14 di febrüari a drenta keho di ladronisia di un skuter. E skuter ku no tabata na lòk, tabata stashoná den kurá di un kas situá na Kaya Gloria.

Deskonosínan a bai kuné entre 2 or di mardugá i 6 or di mainta. Ta trata di un skuter koló pretu di marka Piaggio, tipo ZIP 50, ku plachi di number MF-3971. Ta investigando e kaso.

Menasa, maltrato i buracheria

Polis a realisá varios detenshon

KRALENDIJK -- Riba djamars 13 di febrüari a detené un hòmer di inisial J.M.W. di 20 aña di edat en konekshon ku maltrato. E sospechoso tabata enbolbí den un bringamentu. Alrededor di 11.55 or di anochi riba djamars 13 di febrüari a detené dos hòmer durante di e marcha di despedida di karnaval en konekshon ku maltrato. Nan tabata enbolbí den un bringamentu den besindario di stadion. Ta trata di un hòmer di inisial C.L.S.M. di 18 aña di edat i un hòmer di inisial J.S.P di 18 aña di edat.

Riba djamars 13 di febrüari, alrededor di 6.55 or di anochi a detené un hòmer di inisial C.A.O.V. di 66 aña di edat en konekshon ku menasa. E sospechoso a menasa un dama ku un machete durante di un pleitu. Riba djaluna 12 di febrüari a detené un hòmer di inisial W.R.C. di 39 aña di edat en konekshon ku buracheria públiko i pa violashon di Lei di Identifikashon BES. E sospechoso tabata kousa molèster den kura di deskonosínan di dje. Durante di e detenshon e sospechoso no por a identifiká su mes tampoko.

Wak pa bo dokumentonan ta na òrdu

Polis ta hopi aktivo den tráfiiko

KRALENDIJK – Polis ta hopi aktivo den tráfiiko. Alrededor di 12 or di mèrdia riba djaweps 15 di febrüari, a tene un kòntrol di tráfiiko riba Kaya Internashonal. Aki a para i kontrolá 8 vehíkulo, di kua 1 skuter. Durante e kòntrol a resultá ku un di e vehíkulonon no tabata sigurá i e shofùr no por a mostra un reibeweis bálido. Pa e motibu aki e shofùr a haña but.

Riba djárason 14 di febrüari, 5.30 or di atardi a tene un kòntrol di tráfiiko riba Kaya Nikiboko Sùit. Aki a para i kontrolá 25 vehíkulo, di kua 12 shofùr a haña un but.

man miéntras ta manehá. KPCN ta hala atenshon di un i tur pa nan tin e dokumentunan nesario, na òrdu. Tambe ta konsehá estriktamente pa kumpli ku e reglanan di Lei di Tráfiiko. Ku esaki bo tambe ta

kontribuí na un tráfiiko seif i sigur riba e isla.

Bo no ta kumpli ku reglanan? Bo por haña un but. E suma di un but pa e violashonnan menshoná ta varia entre \$30 te ku \$225.

BONERIANO
 EDITOR: Bonaire Communication Services n.v. | Djaweps 11 mei 2023 | Preis: \$1.25

AMTENAR NO TIN RESTRIKSHON

PA MANIFESTA

Pa aviso i komunikado den
 Extra/BONERIANO
 Redakshon:
 extrabon@gmail.com
 Aviso:
 avisobon@gmail.com

Pa mas informashon por yama nos libramente na 717-8482

BONERIANO e korant mas lesá aki na Boneiru!

POLÍTICA

Alsi Anthony na palabra:

“Desesperashon hopi grandi”

KRALENDIJK - Apénas 100 dia di e gobernashon nobo di e partidonan Demokrat, M21 i frakshon Vrolijk a pasa, ku spesialmente partido MPB a bira hopi desesperá.

Siman largu e lider polítiko i e konsehal di nan partido ta bai medio di prensa, hibando un polítika hopi negativo i bieu.

Personalmente mi a kere sigur ku e hóben nan aki

realmente lo hasi polítika moderno i kambia e forma ku nan èks lider a hiba polítika.

Lamentabel di e dos personanan aki ta ku nan ta tira un kantidat di kos den haltu miéntras mayoria ta kos ku nan mesun koalishon a pasa den pasado.

Tambe ta tira den haltu ku nan a para un kantidat di proyekto, pero no ta mensioná ningun. I di e

forma engañoso aki nan ke influensia pueblo!!.

Awor pa e subimentu di sèn pa frakshon di konseho insular nan ta reklamá ku mester hala esaki aden bèk, miéntras ta nan mes a trese dilanti i vota pro.

Kontradisí

Despensa, pero aparentemente e dos nobato nan aki ta kere ku na Boneiru, pueblo no ta lesa? Bon kla a sali den prensa ku tur e desishon nan aki ta tuma lugá bou di e gobernashon di MPB i UPB mes!!

Dus no bin tira falta riba e gobièrnu nobo. E politikeria aki ta musta ku spesialmente MPB ta hopi desesperá i fuera di esei no sa kon pa hiba oposishon! Kada bia bo tende e lider polítiko di MPB aki papia na radio, e mes ta toka i e mes ta balia.

Tur lokual ku e ta trese dilanti e mes ta kontradisí

despues.

Esaki ta muestra di no ta bon prepará, I ta papia kos ku otro hende a bisé pa papia.

Dikon a para proyekto?

Un otro kos ku e lider polítiko aki ta trese dilanti, ku nan a laga un kantidat di proyekto atras, pero no ta mensioná ningun. Esaki ta otro prueba ku ta manipulá pueblo. E úniko proyekto ku si a sali den publisidat i ku a wòrdu pará dor di gobièrnu ta e edifisio di LTS òf ‘ambachtschool’ bieu na Playa Pariba. A par’e dor ku e gobièrnu anterior di MPB i UPB a duna un kompania probablemente kimpinchi un pastechi gordo gordo di mas ku 3 mion dòler pa kambia un dak.

Awor aparentemente sea e kompania enkuestion aki no sa ku gobièrnu a kambia o ta kere ku esun aktual ta mesun kèns ku esun anterior

i ke bai kobra un montante èkstra di 2.5 mion dòler mas. Pa mesun dak! Ku e sèn aki por traha no 1 pero 2 edifisio nobo nobo. Pero despues di analisá esaki mihó, e kos straño a bira kla pa mi.

E forma ku a hinka e proyekto aki den otro, esta sin un preparashon drechi e final ta bira meskos ku e rotònde di Kaya Amsterdam.

Pa MPB i UPB su mala suerte tin un gobièrnu nobo ku sí sa kon ta kontrolá tur proyekto i no ta kai pa e tipo di praktiká nan aki.

Komo tal mi sugirí e 2 nobato nan di MPB pa stòp ku e politikeria negativo ku nan ta hibando, pasobra esaki ta kontra produktivo pa pueblo boneriano.

MPB i UPB boso a duna sufisiente pastechi, empaná, repa i nasi goring kaba na kompania i kimpinchi. Awor a yega ora pa pueblo!!!



Diputado Clark Abraham

“Nada riba papel pa traha pista di dragrace!”

KRALENDIJK – “No tin nada poné den presupuesto di 2024, tampoko 2025, pa loke ta trata trahamentu di pista di dragrace na e área di Onima.” Esaki ta loke Clark Abraham a kontestá BONERIANO su reportero Fittipaldi Pietersz djabièrnè 16 di febrüari 2024. Miéntras tur hende ku ta gusta e deporte, ta sperando luna di desèmber 2024 pa e pista ta kla, e diputado nobo a bisa bon kla, ku no por spera nada, pasobra no tin nada riba papel pa traha niun pista di dragrace.

Prueba

Diputado Clark Abraham a sigui bisa: “Bisa e eks diputado bin ku e BC-besluit unda tin pará,

ku e pista ta bini. No bai tras di kiko diputado a bisa e ta bai traha. Pone riba prueba. Pueblo mester ta kritiko i no bai den fantasma polítiko. Puntra nan ki dia tabata bai kuminsá.”

“Boso no ta haña ta remarkabel ta nèt promé ku elekshon a presentá e asunto di trahamentu di pista di dragrace? Na 2019 a papia di pista di dragrace i a bisa ta 400 mil mester. Despues na 2023, dragstrip a bira pista di fever. A krea un espektativa serka un grupo di hende, ku no tin niun base pa kumpli kuné. Ta riba televishon mi a mira un pintura di un pista di dragrace, pero no a presentá nada ofisial.”

Responsabel

“Nos komo gobièrnu responsabel, ke papia wak kiko lo por i nos lo pon’é kaminda e mester ta, pa e bira realidat. Masha dia a papia di tin solushon pa Tanki Matrimonio. Bai wak den e presupuesto 2024 pa nos mira unda ta skirbí ‘Tanki Matrimonio’.

No por hañ’é pasobra e no t’ei”, diputado Abraham a bisa.

Abraham a bisa ku tin hende a aserk’é, bisando ku eks diputado a bis’é traha numa, siendo e no tabatin e tereno òf outorisashon. Si un diputado bisa bo algu, laga e firma i stèmpel pa bo tin prueba.

Abraham: “Pa loke ta trata e parti di pista di

fever nos porta ta habrí pa yega na e mihó forma pa atendé ku e pista. Nos ta papiando ku algun grupo pa wak kon nos por logra algu. Nos porta ta habrí pa kualke kombersashon pa un solushon. Niun hende no a aserká nos ainda. Awor tur hende ku ta den e mundu di motosaikel fever òf dragrace, pasa serka mi pa nos papia.”



Resistencia kontra koalishon oumentando

Korupshon no ta leu!

KRALENDIJK – Resistencia kontra e aktual koalishon aktual ta kresiendo. Un persona ku último simannan ta kuestionando e koalishon aktual (Demokrat/M21/Vrolijk) fuerte ta analista polítiko Arthur Sealy, ku den un komentario saká ayera ta splika kon ta usa engaño, triki i mentira pa logra algu ku pueblo no mag sa.

Sealy ta remarká: “Tin diskushon, ainda no fuerte, tokante; fiasko, parse no mag bisa frakaso, na Sint Maarten, reunion porta será, kompensashon pa miembran di konseho Insular i Grifir interino i ke eksigí servisio di impuesto bèk. Awor ta laga BHM, ku rapòrt CRM Link bou di rekomendashon na punto 47 ta sugirí pa eliminá BHM i bini ku un Shared Service Center, pa tuma medida den maneho di Selibon. Ku otro palabra sin ku tin un lèter riba papel mester kore ku señor Leito.”

Mas aleu Sealy ta indiká ku tin atake fuerte kontra konsehal Wout (MPB). “Ta tres opshon tin segun


Bismarck, arkitekto di pais Alemania. Bo por koperá, isolá òf eliminá bo enemigu. Ta skohe pa eliminá Leito i isolá Wout. Ocho miembro no mester ayudo di Wout, pero sí ta dependiente di grifir interino i no ta kuestioná ni kontrolá kolegio Ehekutivo. Tin un tendensia den direkshon di konsentrashon di poder i kapital.”

Segun Sealy, ta usa strategia ku porta será, ta papia di proseso ku no ta finalisá. Ta usa engaño, triki i mentira pa logra algu ku

pueblo no mag sa. Ta engañá ku e kompensashon ta pa hasi uso di profeshonal. Ta nifiká ku kada konsehal ta bai saka 7367 dòler pa luna pa konseho eksterno.

Sealy: “Korupshon no ta leu. Triki ta e asuntu di kambia e desishon i ningun hende ke trese dilanti kiko a pasa. Mentira ta ku tin diesshete punto di konsenso, ku ta nada mas ku kobardiá, entre islanan BES. Bisa libremente ku tin pero no tin ningun akuerdo firmá. No ta splika ki ta e motibu pa no a firma. Ta

kreando “elitarismo” solamente “òrdu ta òrdu” di abiertoamente na Bonaire lider.” ku defensoran ku konosé



YN Enterprises B.V.

ta buska

2 limpieza general

Pa mas inf. # di telefón **785-8103**

WE ARE SEEKING

Position: **Team Member Hostess-Waitress**

We are seeking a highly motivated and enthusiastic team member to join our retail shop in the heart of Kralendijk. As a hostess-waitress, you will be responsible for providing exceptional customer service, ensuring that our clients have a positive experience.

Position: **Supervisor**

We are seeking a motivated and experienced supervisor to join our retail shop in the heart of Kralendijk. As a supervisor, you will play a crucial role in overseeing daily operations, ensuring customer satisfaction, and maintaining a positive work environment.

For more information send us an email: andrea@manpinnacle.com

REFLEKSHON

UN ORASHON SIN SERO I GENUINO

"E orashon efektivu di un hende hustu por logra hopi."
Santiago 5:16b(BS)

Señor ta masha interesá pa nos papia kunÉ. Den 1 Tesalonisensenan 5:17 Señor ta bisa: "hasi orashon sin stòp;" Señor Dios ke pa nos ta den konstante komunión i kombersashon kunÉ. Dikon? Wèl pasobra E ta stima nos, E sa tur kos, E por tur kos i E ta tur kaminda. Ker men ku den kualkier nesidat ku nos ta, nos por papia kunÉ tokante di tur kos.

Señor sa ki solushon ta mihó i E lo sòru pa habri porta kaminda ta nesario i sera porta ora ta nesario.

E echo di papia ku Dios no mester ta algu kompliká. Simplemente papia loke bo tin riba bo kurason. No tin mester di palabranan elokuyente, djis un orashon sin sero, honesto i habrí. Nos no mester purba impreshoná Dios ku palabranan grandi, Dios konosé nos kurason i sa nos nesidat, nos mester papia kunÉ manera ku un Tata òf un bon amigu.

I den bo orashon tuma tempu tambe pa pidi yudansa di Señor pa otro hende ku bo konosé, ku kisas ta malu, tristu, sin konsuelo, den nesidat, etc. Den e versíkulo di awe Beibel ta bisa ku orashon di un hustu por logra hopi. Dios tin promesanan pa esnan ku ta hasi orashon. E ta fiel i ta kumpli.

"Sklama na Mi, i lo Mi kontestábo," Jeremias 33:3a
Miralda Paula-Frans

Produksion PGM

Programanan di Bonaire.tv

TELBO kanal 70

Flamingo TV kanal 23

Djaluna 19 Febrüari 2024

12.00 Aktualidat:	Willem Cicilia
13.00 Aki Sint Maarten:	Clara Reyes
14.00 Herensia:	Lorenzo (Pochi) Finies
15.00 BAPA:	Ban Bek Den Tempu - Kas Di Kuido
16.00 Herensia Korsou:	Editha Finx y Bienvenido Richarson
17.00 Dokumental:	Washington
19.30 Puerto Latino:	Luis Zárraga
20.00 Herensia:	Maria Anna Frans Schermer
21.00 Aki Boneiru:	Toyán Frans (Bakuna)
22.00 Herensia:	Henry Toré & Theresita Toré
23.00 BAPA:	Zarzinio Josephia & Lucia Schoop



Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

Konsulta di internèt pa areglo di inisiativa sosial Pasado di Sklabitut

KRALENDIJK -- E areglo pa inisiativa sosial di e programa Pasado di Sklabitut lo bai den konsulta riba internèt. E areglo ku ta bai den konsulta riba internet awo, ta destina pa sostene inisiativa sosial na Hulanda Oropeo ku ta kontribuí na, konsientisá, rekonosé, konmemorá of e impakto di e Historia di Sklabitut Trans-Atlántiko. Kuminsando 16 di febrüari públiko por reashoná pa un periodo di 30 dia riba e areglo via e siguiete website: <https://www.internetconsultatie.nl/slavernijverleden>. A pone un suma di €100 mion disponibel pa un biaha. Lo repartí e suma aki den tres parti: €33,3 mion pa

Hulanda Oropeo, €33,3 mion pa e parti Karibense di Reino i €33,3 mion pa Sürnam.

E areglo ta duna atenshon pekuliar na promové organisashon 'grassroots' di desendientenan i komunidatnan envolvi. Di e manera aki nan por profeshonalisá nan organisashon mas aleu i reforsá esaki pa medio di un 'voucher'. Tambe, ta duna oportunitat na inisiativanan mas grandi, ku ta traha ku organisashon 'grassroots' òf den kua ta inkluí organisashon 'grassroots' den e proyekto, mas prioridat den otorgamentu di subsidio. Ademas, e areglo ta destiná pa inisiativa sosial ku

ta enfoká riba reforsá e komunidat di desendiente di esun sklabisá i pa selebrá i engrandé su resiliensia. E areglo ta destiná tambe pa proyecto mas grandi ku tin un impakto konsiderabel riba engrandesé konosementu, konsientisashon, rekonosementu, konmemorashon i aserkamentu di e impakto di historia di sklabitut.

Kontribushon oral

Pa e parti Karibense di Reino i Sürnam a traha riba areglo nan separá na midí. Pa e parti Karibense di Reino ta spera ku lo implementá e areglo den verano di 2024. Lo publiká e areglo pa Sürnam na un

otro momentu mas despues.

Den e lunanan benidero lo organisá diferente seshon na e islanan pa risibí input. Abitante por partisipá aktivamente na e formashon di e areglo pa inisiativa sosial den parti Karibense di Reino. E seshonnan ta esensial pa hasi nesesidat i vishon regional parti integral di e programa kompletu.

Partisipashon

Ku un aserkamentu unda partisipashon ta sentral, por tuma pasonan sólido den e elaborashon di e diskulpa pa Historia di Sklabitut. Den e aña tras di lomba a hiba kòmbersashonnan intensivo ku un grupo amplio di desendiente i esnan envolví. E kòmbersashonnan aki a produsí perspektiva nobo ku lo forma e base pa e plan di maneho. E büro Truetalk bou di enkargo di ministerio di Asuntunan Interno i Relashonnan den Reino a kòmbersá ku 270 desendiente i esnan direktamente envolví. A implementá diferente método di diálogo pa esaki, entre otro kombersashon individual, reunion di mesa rondó i kombersashon den un situashon natural, riba kaya òf den tienda. Tur komunidat di desendiente

ta envolví den esaki.

Den e selekshon di partner di diálogo a pone atenshon na edat, envolvimentu organisatorio, envolvimentu emoshonal, 'background' kultural i repartishon regional. E perspektivanan ku a sali for di e estudio ta enfatisá e konsekuensianan di e Historia di Sklabitut te dia di awe, i ku ainda ta sinti riba tereno di bibienda, edukashon, i merkado laboral. Tin nesesidat pa inisiativa sosial ku ta ofresé solushon pa e desigualdat struktural aki. Pero tambe ta mira e konmemorashon komo un bon medio pa trese mas igualdat den e komunidat aktual. Fin di yanüari ocho minister i sekretario di estado, entre nan Alexandra van Huffelen, Hugo de Jonge, Hanke Bruins-Slot, Robbert Dijkgraaf i Franc Weerwind a bai den kòmbersashon ku alrededor di 70 desendiente na teatro Diligentia na Den Haag. Tópiko tabata e pasonan pa tuma despues di e kòma, e konsepto di areglo pa inisiativa sosial, e skema pa e Komité di Konmemorashon, Partisipantenan di e seshonnan di diálogo aki a bini di Hulanda Oropeo, e parti Karibense di Reino i Sürnam.



Promé Herensia ku Marichi Frans-Schermer

KRALENDIJK -- Fundashon Históriko Kultural Boneriano (FuHiKuBo) ta lansa dos programa Herensia pa siman. Esun promé ta estrená tur djáron mèrdia 12or i esun di dos ta bai den aire djasabra mèrdia 12or. Den e programa di djasabra último invitado tabata Marichi Frans-Schermer, nasé den Rincon, bibá den

pasado na Kòrsou, pero pa basta aña bèk riba su isla natal.

Den e programa aki, ku t'e promé di un seri di mas programa, Marichi Frans ta papia di su infansia i Rincon di ántes. El a nase i lanta den e barío aki. Marichi despues di a sigui skol básiko na Boneiru a bai studia na Kòrsou. El a bira maestra di skol i

a traha tantu na Boneiru komo Kòrsou.

E programa aki ta ripití awe djaluna pa 8or di anochi i pa último biá mañan djamars mainta 8or.

Herensia ta pasa tantu na Flamingo TV komo na Telbo, respektivamente kanal 23 i kanal 70. Tambe riba Cariflix por haña Bonaire.tv, mas aleu riba Internèt na bonaire.tv/live.



Walk-A-Thon di Special Olympics

KRALENDIJK--Dies di mart binidero, Special Olympics Bonaire ta organisá e di 21 edishon di Walk-A-Thon.

Djabièrnè anochi Annemarie Mercera, Earon Rosario, Sergino Finies i presidente di Special Olympics Boneiru Rolanda Hellburg – Makaai Hellburg, a papia ku prensa di nan aktividat.

“Special Olympics Bonaire, ta prepará atletanan spesial riba tereno di deporte.

Nos tin hende ku tur aña ta koperá ku nos atletanan, pa nan por kompetí den kompetensianan internashonal.

E aña aki e kaminata ya konosí ku ta karga e nòmber Walk-A-Thon, ta kuminsá na kas di katibu i kaba na Rincon. Ta trata di 21 aña ku ta organisá e aktividat.”

Earon Rosario a bisa: “Mas tardá 4:30 di mardugá, tur bús ta salí pa sùit. 5or

baiskelnan ta salí i 5 minüt despues, esnan ku ta kana ta sigui. Ta bai tin bús pa yuda esnan ku kansa na kaminda. E distansia ta 30 kilometer, salí na Saliña i bai Rincon na Tia Sani.”

Anne Marie Mercera

“E aña aki karchi ta na balor di 20 dòler. Por komprondé ku ya e benta ta bai hopi bon. Dia 8 i 9 ta bende karchi na ofisina di Special Olympics, nèt pariba di misa katóliko na playa. Esaki ta di 5or pa 7or di atardi.”

Sergino Finies

representante di Ennia

“Nos ta gusta duna bèk na komunidad. Momentu nos a mira e posibilidat pa koperá, nos a opta umbes pa hasié. Pueblo kumpra karchi i sostené e atletanan di spesial di special Olympics Bonaire. Ta bai tin tres salida. 5or di mardugá na e kasnan di



katibu na Saliña, 6:30 na Stadion di Playa i 7:30 na Bon Bida.”

Durante e anochi ta entregá un rekonosementu na 2 persona ku no ta sigui ku e trabou di yudansa na e organisashon. Ta trata di Willy i Merida despues di hopi aña nan a stòp.

William Piar: “Ku doló na mi kurason, mi mester stòp pa duna mas atenshon na mi esposa. E ta rekerí hopi atenshon i mi a skohe pa esei. Mi a hala tras un ratu. Mi a pasa masha dushi temporada ku e atletanan. Semper ku mi por lo mi yuda sigur. Danki pa duna

e honor awor ku mi ta na bida.”

Merida Statia: “Mi a laga e parti di coach un ratu, pero ta keda den bestür. Semper mi tei i por konta ku mi sosten. Mi kurason ta bati pa e atletanan.”

E hendenan aki ta hasi e trabou boluntariamente.

ACE ART ACADEMY ta habri inskripshon

KRALENDIJK - Art Culture Education Foundation ta anunsiá ku inskripshon a habri pa e periodo nobo di ACE Art Academy. ACE Art Acedmy ta e parti edukativo den kua ACE Foundation ta organisá diferente tayer i lèsnan di arte i kultura den diferente disiplina i proyekto. ACE Art Academy ta konsistí di tres proyekto prinsipal. ACE Kids Club pa muchanan di 4 te ku 8 aña, ACE Tweens pa muchanan di 9 te ku 12 aña, i Gang di Arte Bonaire ku ta pa hóbennan di 13 t/k 19 aña. Awe a habri inskripshon pa ACE Kids Club i ACE Tweens Club.

ACE Kids Club

ACE Kids Club tabata un di e promé proyektonan di ACE Foundation kaminda ku vários mucha ku a kuminsá e tempu ei a sigui segun transkurso di añanan, segun nan a krese pa ACE Tweens ku a ser introdusí den 2023. ACE Kids Club a forma

partí di diferente proyekto manera entre otro Siman di Muzik pa Mucha i Siman di Buki pa Mucha. Tambe nan a traha diferente kantika i video-klepnan pa mucha i tambe showman teatral. Awor ACE Foundation ta kla pa kuminsá ku un grupo nobo di ACE Kids Club kaminda ku nan lo haña lèsnan di baile, drama, kanto i mas.

ACE Tweens Club

ACE Tweens Club a keda ofisialmente lansa na luna di Mei 2023 i a mira e grupo aki konkista kurason di pueblo tantu na Boneiru komo na Aruba kaminda ku nan presentá entre otro den show final di Gang di Arte Aruba i tambe na Tele Aruba. Na Boneiru nan a hasi diferente presentashon, a saka kantikanan nobo i tambe un video-klep titulá “Boneiru ta mi kas” komo parti di e proyekto di Siman di Buki pa Mucha 2023.

Formashon Sosial i Emoshonal

Den e mundu di artístiko hopi bia e artista ta wòrdu

konfrontá ku situashon nan òf desishonnan ku mester tuma ku por impaktá nan trayekto seya positivo òf negativo. Esei ta e motibu pa kiko Formashon Sosial i Emoshonal ta e sentral den tur nos proyektonan. Ta importante pa e futuro artista rekonosé i komprondé emoshonnan propio i di personanan rondó di dje. Ta importante pa e artista konosé su mes bon i ta sigur di su mes i su metanan ku e ke alkansá.

Inskripshon

Pa inskribí pa ACE Art Acadmy su siguiente periodo por tuma kontakto ku ACE Foundation na number di telefòn +599790-0155 (disponibel tambe via Whatsapp) òf por bishitá nos paginá Facebook ACE Bonaire kaminda ku tur informashon lo ta disponibel. Tene kuenta ku inskripshon ta sera Djabierne 1e di mart 2024. E periodo aki lo kore di mart te ku yüli 2024.



PÁGINA SOCIAL

Elske a topa Sarah

KRALENDIJK -- Djabièrnè manisé djasabra 17 di febrüari, Elske Lucia di MCB, a yega e edat di 50 aña i maske e tabatin gana pa topa Abraham, e mester a aseptá ku ta Sarah e ta topa.

Huntu ku un grupo di amigu i amiga, nan a kore den bús djabièrnè anochi lat. Tabata un sorpresa p'e. Yega na Parke Wilhelmina diesdossor di anochi, na unda The Boyz brasbènt

tabata sper'é. Tambe su mayornan i algun persona mas a top'é na parke i nan a balia i gosa poko riba ritmo di Asambeho.

Despues di un momentu di baliamentu, e grupo a subi bús i a kontinuá nan rumbo pa mas selebrashon e mardugá. Asina ta selebrá 50 aña òf laga. Ta un biaha den bida, hende ta yega 50 aña. Selebr'é manera Elske. Tur afó.



Misa promé djadumingu di kuaresma

KRALENDIJK -- Djadumingu 18 di febrüari tabata promé misa den tempu di kuaresma. Hopi hende tabata presente na Parokia La Birgen di Coromoto. Momentu di resa Nos Tata ku ta na shelu, pader Marc Hooijschuur, a yama tur mucha na altar pa resa huntu kuné.

Tambe pader a bendishoná esnan u a kumpli 1 aña mas di bida riba e dia.



Jay-zion Wout a kumpli 5 aña

Ayera Jay-zion Wout a kumpli 5 aña di edat. Mama Vie i Wela Rita a selebrá e kumpleaño di Jay-zion en grande aya na Hulanda. Sigur tabata un dushi dia pa Jay-zion. Huntu ku su ruman Gedyon a kome bolo i habri regalonan.





The most complete payroll and HR software in the Caribbean!

Payroll Pro
HRM

Download the mobile app!

www.payrollprohrm.com

Google Play App Store

PENSAMENTU DI SIMAN

Purba kapta e esensia di e versíkulo akí.
Grasia ta un negoshiashon di amor di parti di Dios, pa hende ku no ta meresé esei.
Dikon ?..... ta algu masha importante pa nos sa.
Les a versíkulo bon.
"Pasobra pa medio di grasía boso a wòrdu salbá dor di fe, i esei no ta di boso mes; e ta e don di Dios; no komo resultado di obranan, pa niun hende no gaba".
Efesianan 2:5
Esaki ta ún di e hopi kosnan ku Dios por duna
Gratis – voor niks!
Bon siman mi rumannan. Ban spera kosnan presioso. Tene FE i keda bendishoná.
19 Febrüari 2024



tandprothetische praktijk
BONAIRE
taandprothetische praktijk

AKI TA TRAHA I DRECHA PLANCHA PA DJIENTE. BO TA WARDA MIENTRAS NAN TA DRECHE, SERVISIO RAPIDO.

djaluna pa djaweps: 9'or mainta pa 12'or merdia, 2'or te 4'or di atardi.
djabieme: 9'or mainta pa 12'or merdia, atardi ta SERA.

E.M. Rijswijk
Por yama pa un sita na tel. 717-2248 òf selular 796-3714
Kaya Dr. J.G. Hernandez s/n (banda di Botica Korona)

Popularidat ta relativo
P'esei un propio estilo
No solamente pa ta eksitoso
Sino sigur mas balioso

Brò KèS 93.5 FM
pokopoko pero sigur mas i mas hende ta ...
Skuch'è

Telefon/ WhatsApp +599 701 0935
www.radio935bonaire.com

19 di Febrüari 2024

"... no kue niun hende kabes abou."
(cf Lev 19,11b)

Tin persona ku tin plaser pa "kue otro kabes abou". Nan ta papia mitar bèrdat òf simplemente nan ta saka mentira ku e meta pa saka probecho personal. Ora nan logra den nan aparente genialidat e ta representá un okashon di euforia pa nan, pasobra apesar di nan maldat, niun hende no por kulpa nan di nada. Nan ta lubidá ku "... tur loke nan hasi ku un ruman humilde òf di ménos kapasidat intelektual, ta ku Señor nan a hasié." (cf Mateo 25,35-40)

No hasi bo mes kulpabel na niun klase di ofensa na otro (cf Lev 19,9-18), pasobra un dia "Señor Dios lo hasi hustisia ..." (cf Yer 11,20b) P'esei, "no papia palabra malu ku un surdu, ni pone un kos den kaminda ku por pone un siegu trompeká." (cf Lev 19,14a)

Danki Señor, ku Bo ta huntu ku mi i ku Bo ta protehá mi.
(cf Yer 1,19)

1L Lev 19,1-2,11-18; Sal 19,8-11; Ev Mateo 25,31-46

005999-522-4056 Un Snechil Pan unsnechilpan

Diputado ke bisti bachi di víktima

Menasa a kai kontra diputadonan

KRALENDIJK -- "Mi ta na altura den un grupo di chat di koredó di motosaikel menasa a kai. Nan ke bai na mi kas i kas di diputado Cicilia. Bai hasi kiko mi no sa." Esaki diputado Clark Abraham a bisa den un konferensia di prensa siman pasá, kaminda BONERIANO tabata representá pa su reportero Fittipaldi Pietersz. Den un forma arogante Abraham a dirigí su mes kontra Pietersz, un persona íntegro i korekto den su trabou. Asta el a insinuá ku Fittipaldi tambe ta den e grupo ku lo a menas'è huntu ku diputado

Angelica Cicilia. Abraham: "Mi tin yu abo Fittipaldi tambe ta den e grupo i ta skucha e kombersashonnan. Tur hende enbolbí tin responsabilidat. Mi porta ta habrí i por traha sita i pasa na kantor pa nos papia. Mi

ta atvertí kualke persona, si nan mester akudí na kas di nos komo diputado òf kualke ámtenaar, nos ta bai tin problema hopi serio ku otro. No ta asina e kos ta funshoná den un pais sivilisá. Aserka mi na ofisina i semper nos ta habrí pa un kombersashon."




Caribisch Nederland
Belastingdienst

Deklarashon di Inkomstenbelasting 2023

Ta tempu atrobe pa hasi deklarashon di Inkomstenbelasting. Hasi esaki promé ku **15 di mei** online via Mijncn.nl, esei ta fásil, seif i rápido.

Paga tinu: ta nesesario pa aktivá e 2-factor authenticatie.

Kon pa hasi esaki bo por lesa i wak aki:
papiamentu.mijncn.nl/krea-i-aktiva

Promé Djadumingu di Kuaresma Siklo B

Promé Lektura : Genesis 9, 8-17

Salmo : Salmo 25, 4-9

Di dos Lektura : 1Pedro 3, 18-22

Evangelio : Marko 1, 12-15

Djarason pasá, Djarason di Shinishi, nos a drenta Kuaresma, periodo ku Iglesia ta yama “tempu oportuno, faborabel”. Ta e momento pa saminá nos bida, reflekshoná riba nos kondukta, koregí nos fayonan i drecha nos kaminda. Kuaresma ta un signo di loke bida ta: un kanamentu ku nos mester hasi pa haña nos liberashon. Liberashon di piká, pasando den prueba i difikultatnan, ku speransa firme di un dia yega na e tera definitivo, e Herusalèm selesstial ku nos ta kuminsá gusta for di aki bou.

Kuaresma ta tempu di reflekshon. Riba e promé djadumingu di Kuaresma e katekúmenonan tabata duna nan nòmber komo kandidatonan ofisial pa boutismo ku lo a tuma lugá riba djasabra Santu durante e anochi den Vigilia Paskual. Durante Kuaresma tabata hasi un preparashon serkano intensivo sentrá den e aspekto ritual. E preparashon mará na esaki nan a risibié anterior-

mente ku vários aña di preparashon. Durante Kuaresma nan tabata pone e katisashi ku nan a risibí promé na obra. Ta p’esei Iglesia ta rekordá nos pa nos bolbe pensa den forma serio riba nos boutismo i e kompromisonan ku e ta enserá. Esaki lo ta e tempu oportuno pa rekordá ku nos ta profesá pa hopi aña duna morto na piká, ku nos ta primintí di sigui Kristu ku fieltad siendo testigunan fuerte di e evangelio dilanti nos komunidatnan kristian i dilanti restu di mundu.

Iglesia ta santu manera nos ta proklamá den E kredo, pero nos komo miembronan no ta santu. Nos mester purifiká nos mes, hasi penitensia, pasobra nos ta rekonosé nos mes komo pekadur. Kuaresma ta tempu di penitensia, tempu di kombèrtimentu; no ta nifiká ku nos mester renunsiá balornan humano, sino ta enserá un lucha konstante pa haña kombèrtimentu di kurason. Ta tempu mas adekuá di manera ku, den forma komu-



nitario, nos ta selebrá mizerikòrdia i pordon di Dios ku E ta duna nos asina generoso. Ta e tempu pa rekonosé nos pikánan dilanti di Dios i dilanti nos rumannan. Asina e kombèrtimentu ku nos ta bai hañando lo manifestá su mes den frutanan ku ta kambia nan mes den práktika di mizerikòrdia, yuna, limosna i orashon.

Kuaresma ta un interinario. E number kuarenta ta nifiká

nos realidat, pekadur riba tera. Kuarenta dia diluvio a dura. Kuarenta aña e peregrinashon di e pueblo di Dios a dura pasando den desierto. Kuarenta dia e predikashon di Jonas na e ninivitanan a dura. Kuarenta dia Moises i Elias a yuna promé di a yega na seru di Sinai. Hesus a yuna kuarenta dia. Iglesia ta mantené e tempu di Kuaresma aki, yamá tempu fuerte, p’asina nos hasi esfuerso den morto di piká, nos ta hundi nos mes di silencio, den soledat i den orashon i asina nos por yega resusitá na e dia di Pasku.

Den desierto Hesus ta laga nos mira ku difikultatnan lo aserká nos. Nos ta ser tentá pa materialismo ku ke sustituí Dios. Nos ta ser tentá pa egoismo ku no ta satisfasé ku nada. Nos ta ser tentá pa medio di orguyo i ansha di poder ku ta aktualisá entre nos e pikánan di diskriminashon i tur klase di inhustisia. Desierto i aislamentu ta pa nos señalnan importante di nos kanamentu den mundu. Nos ta peregrinonan erante ku ta pasa den bida pa kontra ku Dios. Asunshon, e subida pa Herusalèm, ta duru, difisil i no ta yega n’e sin pasa promé dor di desierto.

Drenta desierto ta drenta den e konosementu di nos mes. Ningun hende ta drenta den e desierto —ni muchu ménos ta sali— sin yudansa di un spiritu. Pa nos, komo kristian, ta Spiritu Santu, e

mes ku a protehé Kristu den desierto. Na momento di boutismo di Kristu den riu Hordan, e Spiritu aki a paresé den forma di un palomba pa guia Kristu den su obra mesiániko. Den momentonan aktual ku nos ta pasando den krísis —un desierto di sakrifisio, sufrimentu i soledat— nos mester kòrda riba e promesa di un final viktوريوس. Pa medio di boutismo nos a ser destiná na un bon fin i nos a risibí e Spiritu i e promesa di por pasa den kualke desierto di bida. Manera e promé lektura, den tempunan di Noe ta bisa nos, e awa di e diluvio na mes momentu tabata nifiká un destrukshon i un kuminsamentu nobo. E tabata un destrukshon di loke ta malu i un kreashon di un mundu mihó. Asina lo ta pa nos. Kada krísis lo kombèrti den un triunfo: for di shinishi lo sali bida nobo. Esaki ta e responsabilidat ku, komo kristian, nos ta aseptá riba dia di nos boutismo.

E Palabra di Dios ku nos ta skucha den kada selebrashon litúrgiko i partikular den e selebrashon eukarístiko di awe, mester ta un rekuerto kontinuo di e iniciativa amoroso aki di Dios pa ku nos pober pekadur. Ku e Eukaristia kòrda nos un be mas riba e amor inmenso ku Hesus tabatin i tin pa nos na ora di entregá su mes totalmente den aliansa perfekto i eterno. “Tuma i boso tur bebe di dje: ta e kális di e Aliansa Nobo”. Ku e Palabra i e Pan sea alimento den nos kanamentu diario i spesial durante e Kuaresma aki.

Ayuno i apstinensia den Kuaresma

- Ayuno ta konsistí den un solo kuminda fuerte pa dia.
- Apstinensia ta konsistí den no kome karni.
- Dianan i apstinensia i ayuno ta Djarason di Shinishi i Bièrnè Santu.
- Apstinensia ta obligá for di dieskuater aña i ayuno di diesocho te ku sinkuenta i nuebe aña di edat.
- Ku e sakrifisionan aki, ta trata di ku tur nos ser (alma i kurpa) ta partisipá den un akto kaminda e ta rekonosé e nesidat pa hasi obranan ku kua nos ta drecha e daño okashoná ku nos pikánan pa e bon di Iglesia.
- Por kambia ayuno i apstinensia pa otro sakrifisio, dependiendo di loke e Konferenshanan Episkopal di kada pais ta dikta, pues nan ta esnan ku tin outoridat pa determiná e diverso forman di penitensia kristian.



Outor: Meralda (Ada) de Palm

(Kursista skirbi na Papiamentu)

Yambo ku funchi



“Nò.”

Frاندjèska tabata anhelá asina tantu pa mèrdia yega pa e por a kome yambo. Pero awor ku a yega ora pa kome kuminda di mèrdia, at’é sintá dilanti di su tayó. Kabes di sak, flèktunan kasi pa kai den tayó. Ketu, tristu, pero mas tantu e tabata sintá ku un pregunta. Un pregunta hopi grandi.

Kiko, a bai robes ?

Awe mainta mes e ku mama tabata den kurá ta piki bèrdura ku fruta. Bèrdura ku fruta ku e ku Mama Rosa mes a planta un par di luna pasá. Nan a planta diferente kos i mama a siñ’é nòmber di tur lokual ku nan a planta. Patia, pampuna, kòmkomer, promentòn, tomati i tambe un bèrdura ku yama yambo.

Frاندjèska a gusta e yambo pa hunga kuné. Na e yambo tin hopi kabei ku ta kishikí su dedenan ora e pasa man na dje. Mama a splika Frاندjèska, ku ora e bai kushiná e yambo, e tin ku frega tur kabei for di e yambo i laba e yambo. Si no hasi esaki e kabei na e yambo lo duna nan doló di stoma.

“Mama, mama, nos ta kome yambo awe ?”, Frاندjèska a puntra. E tabata kontentu ora ku mama a kontest’é, ku nan lo kome yambo ku funchi awe mes. Esei, te na e momentu ku mama a bis’é pa bin sinta na mesa i a pone e tayó di yambo ku funchi su dilanti.

Ta na unda e bèrdura bunita ku kabei a keda? Den su tayó tabata drif un par di kos bèrdè den un awa ku, den Frاندjèska su bista, no tabata un awa masha limpi. Frاندjèska a kohe e kuchara i kohe poko yambo den dje pa despues laga e basha den tayo bèk. “Nò mama”, Frاندjèska a bolbe bisa, e biaha aki, kasi pa yora. “Mi n’ ke e ko’i, e ta sleim, e no ta dushi.” Mirando e kuminda den su tayó e tabata pensa ta kon e bèrdura bunita di mainta por a para bira un kos sleim asina. Nò, e no por a kere.

Mama Rosa ku ta pará na mesa di kushina ta prepará kuminda

pa siguiente dia, a hala un rosea grandi i drei wak Frاندjèska, pensando kon pa laga e mucha aki kome e yambo. Mama Rosa a hala un stul i kai sinta banda di Frاندjèska na mesa.

“Frاندjèska, bo ta kòrda kon ora nos bai serka tanchi Shaina kon bo ta gusta kome su zjelatina? Awèl, e yambo aki, ta aùn mas dushi. Yen di vitamina pa yuda bo krese fuerte i salú. Ban, laga nos hunga un wega. Nos ta bai hasi manera nos ta sintá na mesa di tanchi Shaina. Sera bo wowo, pensa. Pensa riba un dushi zjelatina, un zjelatina ku sabor di bakoba.” Tanten ku Mama Rosa ta papia, Mama Rosa a tuma e kuchara for di Frاندjèska su man i pone yambo ku pida funchi aden. “Awor Frاندjèska, habri boka. Habri boka i hasi manera ta e zjelatina di tanchi Shaina bo ta bai kome. Dushi zjelatina, ku pida pida bakoba den dje. Hmmm....., esta dushi e ta baha.” Frاندjèska, imaginando e dushi zjelatina di tanchi Shaina, a habri boka hanchu, tuma su ‘zjelatina’ i kuminsá smak boka pa despues e por guli manda bou.

Frاندjèska su kara a pasa den diferente transformashon. Bo por a mira na su kara, e momentu ku el a realisá ku e smak den su boka, a kambia di zjelatina di bakoba, pa yambo ku funchi. Wowo será Frاندjèska a sigui smak boka. Ekspreshonnan riba Frاندjèska su kara, tabata hiba un bida di nan mes di pregunta i kontesta. Ora por fin boka a bira bashí, Mama Rosa por a ripará klaramente ku e kontesta final tabata formá. Frاندjèska a habri wowo, saka man i tuma e kuchara for di man di Mama Rosa. “Bon mama, bon,” Frاندjèska a bisa. “E yambo ku funchi aki ta hopi dushi, mes dushi ku e zjelatina di Tanchi Shaina.”

Mama Rosa a lanta para i wak Frاندjèska ku un sonrisa riba su kara; su mishon tabata kumplí.

“Ta bon mi yu, awor kome sobrá, mama ta bai sigui prepará kuminda. Mañan nos ta kome un dushi lenga di baka.”

‘The Flying Doctors’ (9)

Un pre historia Pa; Auke van der Berg

****Siman pasá shete representante di medio lokal a publiká un karta habrí na Inspekshon di Salú i Hubentud, IGJ, di Ministerio di Salú, Bienestar i Deporte.**

E medionan a hasi 13 pregunta den e karta tokante e estado di kosnan rònt di ambulans aéreo. En resúmen, nan kier a sa si Inspekshon ni sikiera tabata sa di e plannan di Mariadal pa establese su propio kompania di aviashon i kiko e ta pensa di esaki. Tambe nan tabata ke sa si Inspekshon por a konsehá pa sali for di e situashon.

Na fin di siman pasá, e kontesta a

bin di Inspekshon. Esaki ta muestra ku e propio Inspekshon aña pasá despues ku e reportahenan den media, a hasi pregunta na Fundashon Mariadal tokante e plannan pa ku ambulans aéreo. ‘Dia 8 di yuni 2023, Mariadal a informá nos ku e kontrato aktual ku Medicaid lo a terminá riba 24 di yanüari 2024. Mariadal despues a indiká ku por tin un otro proveedor di ambulans aéreo na Boneiru.’

E karta ta sigui: ‘Dia 10 di yanüari 2024, Mariadal a informá e inspekshon ku tin problema ku e derechonan di aterisahe na Kòrsou. Mariadal a informá e inspekshon na fin di yanüari kon e kalidat i siguridat di kuido lo ta garantisá. Dia 26 di yanüari 2024, Mariadal a informá e inspekshon ku no tabata posibel un transporte di emergencia realisá pa e proveedor Kolombiano

SARPA entre Boneiru i Kòrsou. Mariadal a bisa ku e tabata trahando ku outoridatnan riba un solushon. Mariadal a informá e inspekshon kon nan ta trata di solushoná e problemanan. Esaki ta inkluí transporte di pashèntnan for di IC pa Colombia. Banda di esei, Mariadal a informá nos di e karta ku hospital a manda pa Gezaghebber interino.’

Siguípaekomentario akí: ‘E inspekshon ta kere ku na e momento akí e kalidat i siguridat di ambulans aéreo no ta strukturalmente garantisá. Nos a tuma kontakto ku e hospital tokante esaki i nos ta spera ku

Mariadal, huntu ku su partnernan, lo tuma medida pa mantené e peligernan mas chikitu posibel. IGJ no tin niun idea di posibel daño na e imágen di kuido médiko den Karibe Hulandes.’

Inspekshon no tin opinion tokante lantamentu di propio kompania di aviashon: ‘IGJ no ta husga sí e lantamentu di Mariadal su mes kompania di aviashon den e organisashon di hospital ta kontribuí na oumentá e kalidat di kuido na Boneiru. E dunadónan di kuido médiko ta responsabel pa kon nan ta organisá esaki.’



DEN PASO DI BÒI

Un polítiko sabí i inteligente hamas i nunca lo bai bringa ku prensa. Anke e no ta kisas respetá opinion di sierto medionan di prensa, e lo respetá libertat di ekspreshon. Asina un estado di derecho ta funshoná. Tur hende no semper por tin mé-sun opinion. Semper tabatin, tin i lo sigui tin diferensia di opinion. I den un estado di derecho bo tin e libertat, e derecho, pa ekspresá bo opinion.

Polítikonan ku disidí di bai guera ku prensa, un dia, tempran òf lat, lo haña e preis presentá. Prensa di mes lo bai sigui moveshon di e polítikonan ei ku wowo skèrpi, ku wowo di falki i un dia nan wega lo hunga. No ta mi ta bisa esei, sino esei ta lei di naturalesa.

Na e momentu aki den

mi bida mi kier a bai mas trankil ku korant. M'a baha man, kasi retirá mes for di korant BONERIANO, pa a dediká mi tempu na estudio di historia, kultura i naturalesa. Pero mirando aktitut di sierto polítikonan riba e isla aki, m'a disidí di bolbe bisti mi trahe di gueriero. Mi no kièr, mi no por, aseptá arogansia di algun polítiko. I mi ta un bringadó kontra abusu di polítikonan. I mi no tin miedo. Tene kuenta ku esei!

Nos hendenan mester lanta fo'i soño, pone miedo un banda, i bringa i denunsiá situashonnan ku no ta kanando bon den e komunidad aki. Si keda ketu, aseptá, guli manda'bou, abusu lo sigui riba e isla aki. Lanta i laga nan tende bo bos.

Mi tin añanan ta luchando pa logra haña hende pa siña skirbi pa korant. Mi a kuminsá ku un kurso simpel i GRÁTIS pa traspasá loke mi sa pa hende nobo. Especialmente hende ku ke siña skirbi pa korant, hende hóben i krítiko, sin miedo. M'a logra haña hende pa e kurso, pero pa skirbi storia mas tantu. Mi tin mester di hende pa skirbi pa korant. Mi no ta kobra niun sèn. Úniko meta ta pa siña bo skirbi. Pero bo mester ta serio sí. E lèsnan ta djárason anochi di 7or pa 9or i djasabra tra'i mèrdia. App mi na 7866818.

Frits Goedgedrag, eks-gezaghebber di Boneiru i eks-gobernador di Antia Hulandes, a bishitá mi na ofisina di Fundashon Históriko Boneriano (FuHiKuBo) djasabra último, na unda nos a kombersá



Durante e bishita Frits Goedgedrag a entregá un buki tokante palasio di gobernador na Kòrsou, na unda el biba tempu ku e tabata den funshon.

alrededor di dos ora riba vários tópiko. Últimamente Goedgedrag ta guiando e moveshonnan ku ta tumando lugá den konekshon ku konmemorashon di 160 aña di abolishon di sklabilitut. P'esei tambe su interes pa bishitá FuHiKubo, ku tin entre otro un kolekshon di masoménos sinku mil buki ku tin di aber ku e islanan hulandes den Karibe. Ademas nos



tin míles i míles di dokumento, basta shen mil foto, hopi material oudiovisual.

Frits ku mi tin un laso spesial. Nos ta kom-pader di otro. E ta paderinu di Danielson, mi di dos yu. Entre Frits su mama (Maria Luisa) i mi mama tabatin un amistad fuerte i sólido.

MONCHI & TONCHI

Ata baina, polis mester siña bringa paso no por usa arma mas

Awèl sí, pero algun a kuminsá traha nan chincha kaba



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482
Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcedencia

Redakshon
Papi Antoin
Edson Pietersz
Ibi Piar (deporte)

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòi Antoin
786-6818

Aviso
avisobon@gmail.com

SERVISIO DI CHIKÉ *Parti 1*

Kada dia ku pasá, mas i mas mi ta konvensí ku tin kompania ku mester duna nan trahadónan un kurso, si un kurso kon nan tin ku atendé ku kliente. Nan mester siña nan trahadónan ku kliente no ta mashin tampoko robòt. E trahadónan aki mester realisá ku kliente no ta nan yunan. Nan mester distinguí e trato ku nan ta duna nan famianan na kas, for dje trato ku nan ta duna nan klientenan. E manera ku nan ta atendé ku nan yunan òf marí na kas, sin interes, sin afekto, sin empatia, sin pasenshi, nan no por hasié na trabou ku kliente. Nan mester sa ku kliente si tin sentimentu i kliente ta mira, skucha, hole i purba, kliente no tin kueru di olefante i ku kliente si por bai sin bini mas.

Tin hopi trahadó ku te ainda den aña 2024 aki, no sa ku kliente ta Rei. Ku mester trata kliente ku mannan di felpa. Ku nan kompania no bende e kompania no tin entrada, e no tin plaka pa paga nan salario. Tin trahadó ku no sa ku nan trato ta pone un kliente bini bèk si òf nò. Tin trahadó ta pensa ku ta abou nan doño di trabou ta piki sèn bin paga nan. Manera ami KATAN aki ta bai kome trankil na sierto restaurant. Pasombra mi sa ku einan nan trato ta bon. Katan a yega di bai kumpra pan na Superway kual pan ta su prioridat di servisio, yega skucha no tin pan. Unda b'a tende un kos di bestia asina? Ata "Little Chicken", pa nan servisio di bendé bo pia di puitu, mi a bira masha kouteloso di tuma kaha kore bai.

Mi ta tuma e kaha, habrié, bisa nan saka e hala di puitu ei pone hala di su mama pa mi. Komo kliente mi tin rason di reklamá. Tin restaurant ku ora Katan yega kai sinta. Mi no mester bisa nan mes kiko mi kier. Nan mes ta kuminsá skirbi: un glas di awa, un kèlki biña, i..... No manera sierto restaurant ku ta yega poné bo kuminda riba mesa bira bai i no ta bini mas bin puntra bo sikiera ku tur kos ta bon òf wak ku bo ta chokando ku e kuminda. Tin trahadó ku ta bini nan trabou bin mata tempu i kobra fin di luna si. I ta riska bisá bo tambe: Ku nan no ta traha pa plaka, ta plaka ta traha pa nan! Nan no ta bira tristu ku nan no a bende nada awe. Kiko nan tin kunes ku e kompania bende òf no bende nada un dia. Nan sigur no ta sali eifó para den porta invitá un kliente bin paden. Tin trahadó ku si bo pidi nan pa bo wak e sapatu ei, i no tin bo sais nan no ta bira ofresé bo nada otro. Nan ta djis bisá bo no tin bo sais. I kla ta! Si ta un shimis bo ta buska, nan tin manera duele di saka e pañanan for di rèki mustrá bo, paso ta nan tin ku bai dobla òf kologá nan bèk. Pa nan parti bo sali bai pa kaba. Pidi nan pa ofresé bo otro kos esei si nan ta poné den teblachi koper mes lagá bo bai kuné.

Tin kompania ku tin trahadó asina sin eskrúpulo ku ta bisa bo trankil: No kumpra kos aki den, nan preisnan ta eksageradamente haltu, bai na x kompania bo ta hañ'é mas barata! M'a ta e kompania akí ta pagá bo, bo salario yuku di souchi plegá! Esei te tiponan ku ta traishoná famia mes! Tin trahadó ku no sa ni kon ta aserká un kliente. Ta abo mester kana bai puntra nan ku nan ta traha aki den. Tin trahadó ku ora nan mira un kliente ta kana den nan hanchi nan no ta ni



KATAN DOBLA SIN KIBRA!

aserká bo puntra bo ku bo mester di yudansa. Nan no ta ni hisa kara wak bo mes! Kabes djabou nan ta sigui bo pasonan ku wowo djabou, pa bo no ni yama nan bontardi te pa nan mester respondé pasobra nan no tin gana pa bo sigui puntra nan nada mes! Ami ta yama nan piñiña gaña kèns. Tin dje kaimannan aki ku e promé chèn ku nan haña nan a saka nan telefòn wak nan mensahenan, i ta riska pak bo ku man tambe bisa bo warda nan un ratu. Tin algun fenómeno ku ta bin traha ku e pensamentu di saka nan dia, dor di kue propiedatnan di nan doño di trabou bai nan kas kuné. Hinka e kosnan hòrtá den kaha bai tira afó, pasa anochi den ko'i sushi bin pikinan. Anto ora e doño no alargá nan kontrakt laboral nan ta riska yama e doño tur desgrasiado ku tin. Anto si un dia bo haña un trahadó ta kana bo tras den hanchinan di e negoshi sin sikiera puntra bo kiko bo ta buskando.... ta pasobra e sinbèrgwensa a kere bo ta mes ladron kuné. Anto tin trahadó ta bin traha ku uñanan masha largu mes manera Katúbela, ku kiko ku bo pidi nan ta yega para na e rèki mustrá bo pa bo mes kue.

Paso ku e uñanan ei nan no por kue nada te pa nan his'e paso e uña tin asina tantu adorno ku difísilmente e ta pasa mei mei dje kahanan di kualke merkansia. Poko dia pasá m'a para mira un Katúbela ta bringa pa saka un pera di lus for di un kaha, ku ami tabata e kliente ei, lo m'a bisé laga numa! Awèl ta asina un par di luna pasá un individuo a dal mi outo. M'a yama polis. Polis a yega atendé ku esun ku dal mi outo, sin papia ku mi mes! Ora nan tabata kore bai, m'a baha for di outo pak nan ku man puntra nan ta asina ta duna servisio. Paso nan no a ni sikiera wak ku m'a keda hinté. Otro biaha mi tabata sintá na un restaurant, m'a pidi nan un plato di kuminda i mi a bisa e waiter, no pone pika. Awèl ta manera kos ku m'a bisé bañ'é ku pika. E promé hap ku ma dal, mi wowo a kuminsá kore awa, henter anochi m'a keda ta seka wowo, pasombra e awa ku mi wowo a kore ei a meskla ku e makeup lanta alergia na mi wowo, pone ku m'a keda ku un wowo mal hinchá! Tur potrèt ku mas saka e dia ei, a sali un dim un brait. Un wowo hincha un wowo plat. Un wowo ku make up un wowo sin make up.

Masha fastioso! Pa motibu di mal servisio. Otro dia mi bai un restaurant. Un señora ta sali for di baño ku saya a keda wanta na su panty. E waiter ta wak e señora sin bis'é nada. Laga e señora sali bai asina pafó. Ora m'a puntr'é dikon e no a bisa e señora nada. E di ku mi pasombra e señora ei nunca ta laga tep atras. Awèl e pasa bèrgwensa. Ora e a bisa mi asina. M'a bis'é laga numa i a lanta bai.

ARUBA

A logra barco cu hfo mas barata

ORANJESTAD - Diahuebs 15 di Februari ta un dia grandi pa Aruba. Minister Glenbert Croes a indica cu desde inicio di gobernacion, Gabinete Wever-Croes ta hibando un maneho pro activo pa baha prijs di awa y coriente pa e pueblo di Aruba. Un di e manehonan cu a bin ta activando y gestionando, ta pa por tin diferente oportunidad y alternativa di suministro di combustibel. Aruba ta den e proceso di transicion pa gas natural. Mientras tanto, mester cumpra "heavy fuel oil" cu ta cumpli cu e especificacionnan cu WEB ta exige, pero di paisnan cu ta ofrece mas barata, cu e meta pa baha e prijs di awa y coriente.

Minister Croes a expresa di ta sumamente contento y orguyoso cu riba un dia

manera 15 di Februari 2024, Gobierno ta logra pa e prome barco di "heavy fuel oil" di Venezuela yega Aruba. Cu esaki Gobierno por cuminsa e era, pa logra baha e tarifa di awa y coriente, manera a wordo priminti na e pueblo di Aruba. Esaki sigur ta habri e caminda pa crea e oportunidad pa Gobierno por cumpli cu e promesa aki.

Un di e prioridnan di Gabinete Wever-Croes ta pa combati costo di bida. Y bahando e tarifa di awa y coriente, ta fundamental. Unabes cu logra baha e tarifa aki, e no lo solamente afecta positivamente cada hogar, sino tambe cada compania, reduciendo asina e gastonan di e compania. Cu menos gasto operacional, e companianan lo por cuminsa reduci



prijsnan di producto y servicio pa e clientenan, afectando asina e costa di bida positivamente.

"Combati costo di bida, kiermeen combati pobresa, combati costo di bida, kiermeen logra progreso, y esaki pami, como Minister di Energia, y formando parti di Gabinete Wever-Croes

II, ta e prioridad di mas grandi. Mi ta sumamente contento y orguyoso di mira cu e trabou cu nos a bin ta eherciando tin su frutonan. Nos ta impulsando Aruba den un era nobo pa bienestar y na interes di nos Pueblo."

E empeño cu Gobierno a bin ta desplegando, pa busca otro alternativanan,

riba 15 di februari 2024 a duna su fruto cu e entrada di e barco transportando e prome carga di HFO na prijs mas barata. Minister Croes a expresa su gratitud na FMSA, TDEA, Harttree y PDVSA pa a coopera pa haci e logro aki na bienestar y interes di nos Pueblo.

Apertura oficial edificio Stichting Hunto

ORANJESTAD— Diahuebs 15 di februari a tuma luga e apertura oficial di e edificio di Stichting HUNTO na caya Appeldam den Dakota. Na e ocasion aki Prome Minister Evelyn Wever-Croes a hiba palabra felicitando y gradiciendo tur cu a haci esaki posibel.

Na Aruba tin un problema di salud mental y adiccion cu ta cuminsa manifesta su mes ya den muchanan relativamente jong y mester ataca esaki cu tempo. A cuminsa traha riba e problematica aki den pasado pero e pandemia a frena esaki y a haci'e pio.

El a trece e salud mental riba otro nivel y e tempo ey a eleva esaki na nivel di crisis y a aloca fondo specialmente pa adresa esaki y awe por wak e resultado.

Institucionan cu tawata traha banda di otro riba e tema di salud mental y adiccion, awe ta traha hunto bou di un capa, esaki di Stichting HUNTO. E edificio ta sumamente bunita y adecua, parti den dos: un parti pa adulto y un pa muchanan jong. Esaki ta haci cu adultonan y e muchanan jong no mester crusa otro. Na Stichting

HUNTO e tratamentonan ta wordo duna mesora na adulto y mucha, y esaki ta algo cu Gobierno a boga p'e mescos pa e lista di espera bira menos y na un momento por wordo elimina por completo.

Minister President a expresa di ta inmensamente orguyoso di esnan cu a construi e bunita edificio pero principalmente e ta orguyoso di e trahadornan cu ta traha duro y hunto pa atende e tema di adiccion y salud mental. Tambe e mandatario a sigui bisa di ta hopi orguyoso di ta lidera un gobierno cu a




pone e proyecto aki como un prioridad y poniendo e ser humano central. Esaki ta inclui salud mental y adiccion cu ta temanan cu mester traha riba nan.

Prome Minister, den su discurso na e ocasion aki, a tuma e oportunidad pa gradici Minister Glenbert Croes cu desde tempo di e crisisplan a cuminsa den e direccion aki pero lamentablemente a wordo frena pa e pandemia. Na e mesun momento, Prome Minister a manda palabranan di elogio na

Minister Rocco Tjon cu a tuma e cartera over di asuntonan social y di salud mental na e momento ey y hunto cu su ekipo y cu hopi determinacion y vision a persevera y awe por celebra e apertura di e edificio aki.

"Un pabien na tur esnan cu ta traha na Stichting HUNTO cu ta traha cu salud mental y pa bringa adiccion di nos muchanan y nos adultonan. Cu Dios bendiciona boso cu e trabou cu boso ta haci", Prome Minister a expresa.



KÒRSOU

Ku un parke di bientu nobo

Kòrsou ta bai generá mas energia di bientu

WILLEMSTAD – Kòrsou ta tuma un paso grandi dilanti den sostenibel di su suministro di energia ku e inisio di konstrukshon di un parke di bientu nobo na Koraal Tabak. E iniciativa aki, un kooperashon entre Aqualectra i NuCapital Aspiravi, ta primintí di oumentá signifkativamente e partisipashon di energia di bientu den e meks produktivo di e isla.

E konstrukshon di sinku generadó di bientu ta marka un punto importante den e ambishon di Aqualectra

pa logra un ret di energia mas konfiabel, aksesibel i sostenibel. Ora e parke di bientu nobo na Kòrsou ta kuminsá funshoná, esaki ta nifiká ku por lo ménos mitar di tur elektrisidat ku ta usa riba e isla, lo bin di fuentenan ku por usa un i otro biá, manera bientu.

Ku e konstrukshon di e parke di bientu na Koraal Tabak, lo ta posibel pa generá un tiki mas ku dos terser parti di e rekisito di elektrisidat, serka di setenta porshento, for di fuentenan sostenibel pa 2030. Segun e gobièrnu, e ekspanshon



tambe por kontribuí na baha preis di elektrisidat na Kòrsou, redusí importashon di kombustibel, redusí emishon di gas den

atmósfera i mehorá e balansa di pago di Kòrsou.

E parke di bientu akí na Koraal Tabak, ku ta yuda logra e metanan di energia

sostenibel di Kòrsou, ta posibel danki na sosten di banko lokal, invershonista i Gobièrnu di Kòrsou

Simposio di karnaval

WILLEMSTAD -- Minister di Enseñansa, Siensia, Kultura i Deporte (ESKD), Sithree van Heydoorn, ta informá ku e simposio relashoná ku karnaval ta tuma lugá diana 24 i 25 di mei. Komo titular enkargá ku karnaval, Minister ta gradisí un i tur ku a duna nan kontribushon pa engrandesé nos karnaval. Nos kultura karnavalesko ta dushi i bunita. Nos tin un produkto kreativo úniko i kisas nos no ta realisá kon grandi karnaval, komo manifestashon kultural, ta. E aña akí un biá mas Kòrsou a demostrá esaki. P’esei nos ta sigui traha ku

kurason na adelanto. Nos ta konsiente ku tur e retonan ku a presentá durante di e temporada akí, manera tur aña di nobo ta e kaso, mester di atenshon. Nos a logra di kue kaminda di tera. Nos a hòl di djaki pa djaya i a mantené nos humildat pa sali afó. Nos a enfrentá retonan manera kùrmentu di vehíkulo, edifisio dekaí riba ruta, trahenan ku tabata òf no permití, si ta tene kuenta òf nò ku norma i balor di nos pueblo i e manera ku nos ta tene kuenta ku otro i demostrá rèspekt pa otro, entre otro. Tur esaki ta puntonan importante ku por kibra òf engrandesé nos fiesta nashonal.

“For di e momento ku mi a tuma e responsabilidat komo Minister, mi a pidi na mi Ministerio di ESKD, pa nos organisá un simposio tokante tur aspekto relashoná ku karnaval pa nos yega na un vishon di mas aña pa karnaval duradero i sostenibel. Huntu ku sektor di kultura i deporte, a pone e fechanan 14 pa 16 di yüli di 2022, pero pa motibunan finansiero esaki no a kristalisá. Tambe nos a tene un konferensia di prensa den luna di sèptèmber di aña 2023 kaminda nos a anunsiá un strategia nobo pa huntu ku universidatnan University of Curaçao i

Inter-Continental University of the Caribbean, nos traha riba e simposio. Nos universidatnan ta enkargá ku e kolekshon di dato di forma sientífiko pa asina nos haña dato verídiko ku por duna nos un base verídiko pa e simposio su resultado por ta sostenibel i duradero. Huntu, UoC i ICUC ku Sektor di Kultura i Deporte, a kuminsá ku e preparashonnan pa asina logra hasi un investigashon tokante karnaval i e investigashon ta kanando den bon direkshon.” E investigashon tin dos aspekto, kuantitativo i kualitativo. UoC lo ta na enkargo di un investigashon kuantitativo eksplorativo, ku ta bai duna un bista riba e deseonan i ideanan di gruponan di interes e fiesta nashonal karnaval. ICUC ta na enkargo di e investigashon kualitativo. E 9 temanan ku a skohe, ku ta e base pa yega na e vishon pa un karnaval sostenibel i duradero, ta karnaval i marcha, grandi, mucha, tiner, Bándabou, kabai, Jouvert Mourning, karnaval i ruta, karnaval i públiko, aksesibilidat, infrastruktura, seguridat, karnaval i finansa, karnaval i edukashon, karnaval

i seguridat, karnaval i Festival di Tumba, karnaval i organisashon i karnaval i globalisashon. Durante e delaster siman di febrüari, e invitashonnan lo sali pa tur grupo di interes partisipá na e diferente enkuentronan pa kolekshoná dato relashoná ku e temanan. E kolekshon di dato den forma di enkuesta i ku diferente enkuentro ku gruponan di enfoke ta kulminá den un simposio nashonal. E promé parti di e simposio ta tuma lugá diana 24 i 25 di mei, despues e di dos parti ta tuma lugá na ougùstùs. Ministerio di ESKD ta anunsiá e fechanan na tempu pa asina por tene kuenta ku esaki.

Un apelasion na tur partido di interes pa duna un aporte na e proseso akí. Un proseso ku ta tuma su tempu pa nos por atendé debidamente ku e retonan i trese solushonnan duradero bou di guia di nos universidatnan UoC i ICUC. Un yamada ta bai na tur ku ta duna nan kontribushon na karnaval pa na momento ku rekomendashonnan ta kla i Gobièrnu di Kòrsou implementá esaki, kada unu di nos ban tene nos mes na esakinan.

Tayer pa futuro kompositor

WILLEMSTAD -- E arte di krea i komponé ta unu fasinante, pero semper ta bon pa un hende tin un base di formashon i drenta mas den profundidat pa loke ta trata e tóipiko akí.

Dia 19 di febrüari, Ministerio di Enseñansa, Siensia, Kultura i Deporte, den estrecho koperashon ku Instituto Nashonal di Idioma Kòrsou i AMAK, ta

organisá un tayer, kaminda ta trata e arte di komponé den idioma Papiamentu.

Si abo ta un persona ku ya tin algu di konosementu di krea i komponé, esta skirbi letra pa un kansion, òf ta interesá pa sa mas di e mundu akí, ata bo oportunidat pa sigui un tayer ku tin durashon di 6 luna. Den e tayer bo ta haña e base di mundu di

kreashon i komposishon.

E promé sekshon ta djaluna 19 di febrüari, kaminda tei presente oradónan manera Elvira Bonafacio, Farley Lourens i Gilbert ‘Dibo’ Doran.

Señora Bonafacio ta un eksperto den Papiamentu, miéntras ku Lourens i Doran ta kompositornan eksitoso den entre otro Festival di Tumba.

STATIA/SABA/ST. MAARTEN

Revista VISIT ta sigui promové St. Maarten

PHILIPSBURG – E revista VISIT St. Maarten/St. Martin, ta mas ku un revista di moda pa hotèlnan den e asosashon di hotèl i komèrsio di St. Maarten, SHTA. E ta un vehíkulo pa promové e isla den e merkado turístiko Norteamerikano vital i e edishon nobo di 2024 no ta diferente.

A manda e vershon digital di e revista na 250 agente di biahe i un kampaña

anual ‘Worth mega bucks’, lo promové e isla durante e wenter i zomer pa dos siman na febrüari y dos siman na mei, Garry Duell Jr. di North South Net, editor di VISIT, a kompartí. E kompañia ta inkluí un mitar página di propaganda den USA Today, kubriendo Boston, New York City, Philadelphia i Charlotte.

“Nos ta duna nos sosten tur aña na Heineken Regatta,

e programa Flavors Dine Around relativamente nobo den su di tres aña, arte i pedel, e deporte mas nobo di e isla,” Duell Jr. a bisa.

VISIT 2024 ta sigui ku e tradishon di informá bishitantenan di tur kos emoshonante pa mira i hasi, miéntas ku e ta presentá un vershon nobo di e mihó eksperensianan ku ta haña den Henter St. Maarten/St. Martin, ta bon.



Nathan Edward a bishitá NAGICO

PHILIPSBURG -- Nathan Edward di St. Maarten, kende resientemente a resultá komo e mihó hungadó

di bowling di e tim di West Indies U-19, a hasi un bishita di kortesia na NAGICO Insurances.

E hóben talentoso akí,

kende a hasi un rendimentu sensashonal den e weganan resien na Sur Afrika, a tuma un tempu for di su agènda pèrtá pa

bishitá e miembronan di e tim NAGICO i duna nan historianan di nan eksperensianan i biahenan resien.

“Sur Afrika tabata duru, a rekerí algun adaptashon, spesialmente den loke ta trata klima. E aire ta mas kayente aya, pa asina asta hala rosea tabata un reto,” Edward a splika. “Aparte di esei, e tabata un eksperensia realmente bon.” Edward a splika tambe kon duru el a traha pa yega na unda e ta aktualmente. “Mi a hunga kriket for di mi 6 aña na Kiddies Cricket i despues mi a pasa na kriket di bala duru ku entrenadó Singh.” E hóben di 18 aña ta referí na Parsram ‘Rishie’ Singh, ku ta e entrenadó lokal di kriket na St. Maarten.

“Miatreindurupaañanan

i finalmente mi tabatin mi oportunidat despues ku desafortunadamente un persona a heridá, pasobra mi no a keda elegí originalmente. Pero ora mi a haña e kantidat di tereno mas grandi den e partido ei, nan a notá mi i a skohé mi despues di esei.”

Maneho di NAGICO a ekspresá felisitashon kordial na Edward i a aploudi’è pa pasa pa gradisí. “Nos ta hopi orguyoso di bo i di bo logronan, e manera ku e ta representá su mes i nos isla ta impreshonante”, Eric Ellis, Direktor di NAGICO, a bisa. “Bo a hasi nos tur orguyoso i NAGICO komo kompania, ta orguyoso di ta un di bo promé spònsernan i di tin e oportunidat pa mira bo krese i sobresalí.”



Studiantenan ta bishitá Hulanda

ORANJESTAD (EUX) -- Mas ku un dozein di estudiante di Gwendoline van Putten School a bandoná Statia djabièrnè 16 di febrüari pa un bishita di un siman na Hulanda.

E meta prinsipal ta pa

duna studiantenan un oportunidat balioso pa orientá nan mes, prepará nan mes pa posibel programanan di estudio i bishitá institushonnan post sekundario.

Durante e siman, e

studiantenan ku ta kompañá pa diferente profeshonal, ta kompletamente perfekshoná den kultura hulandes, akumulando eksperensia na promé lugá i komprondé kon ta biba na Hulanda.



Kontròl di tráfiiko planiá

THE BOTTOM – Djárason 14 di febrüari den oranan di mainta, Polis a tene un kontròl di tráfiiko planiá na Lambert Hassell Road na Saba.

A kontrolá 40 vehíkulo pa kontròl, bou di kua un

skuter. Tur dokumento di e shofùrnan tabata na òrdu.

Despues di kontrolá e dokumentonan nesesario, a sorprendé e shofùrnan ku un regalo relacioná ku Dia di San Valentino.



DEPORTE

Kontinuashon kurso Lisensia-D

KRALENDIJK--Pa loketatrata informashonnan relashoná ku kampionato futbòl di FFB ku ta nos federashon di futbòl di nos isla, nos ta informabu ku tin kontinuashon di e kurso Lisensia-D pa loke ta trata

“coach” di futbòl FFB pa nos isla.

E federashon di futbòl pa nos isla ku ta FFB, ta informá ku e kurso pa tur hende ku ke drenta den mundu di coach pa futbòl lo finalisá e fin di luna aki.

E último parti lo ta di 29 di febrüari te ku 3 di mart.

Den e periodo aki lo tuma lugá e di dos módulo di e kurso.

Na òktober 2022 a hasi e promé parti di e kurso di kua mas o ménos 30 kursista a

participá. Ta spera ku tur ku ta participá na e di dos módulo aki, lo pasa e kurso ku éksito pa por haña nan promé lisensia di “coach”.

Sr. Ethienne Siliee lo ta presente pa finalisá e kurso

aki. FFB ta deseá hopi éksito na e kursistanan i ta kontentu ku por kontribuí pa haña mas hende ku formashon di “coach” na nos isla Boneiru.

Éksito na e kursistanan.

FC Champs 4-2 riba La Fama

KRALENDIJK--E klup di futbòl veterano FC Champs, djasabra último den partido di futbòl veterano 50+, a gana di La Fama di Rincon ku skor di 4-2 den partido di futbòl veterano 50+ bálido pa futbòl veterano 50+.

E partido aki a tuma lugá 5or atardi na Fèlt Pariba na Rincon, loke ta nifiká ku FC Champs tabata di

bishita serka La Fama.

Tabata un tremendo partido di kua e skor final mes ta papia pa su mes.

E golnan di FC Champs den e partido aki ta di Jair Bernabela ku a hinka 2 gol den e partido, Jason Pourier i Deutley Domacassé a hinka 1 gol kada unu pa duna nan ekipo e viktoria di 4-2 riba La Fama.

E golnan di La Fama

ku a hunga na kas tabata di Manuel Barandica ku a hinka e dos golnan pa La Fama.

Djasabra awó e kampionato di futbòl 50+ ta kuminsá mitar di sinku na Fèlt Pariba na Rincon.

Nos ta deseá e ekiponan veterano den kampionato futbòl veterano 50+ tur pero tur klase di éksito.

BonKarate ku 9 oro 2 plata 1 bròns na Kòrsou

KRALENDIJK--Nos tin ku kuminsá na felisidat e tim di karate di BonKarate di Boneiru, ku fin di siman pasá un bia mas aya na Kòrsou, a logra basta medaya den e kompetensianan.

Fin di siman pasá un delegashon di BonKarate a biaha pa Kòrsou pa kompeti

den kompetensianan di karate ABC Plus.

Esaki a bai ku gran éksito pa nos karatekanan di Bon Karate bou di guia di Sensei Peter Silberie.

Nan a logra un total di 9 medaya di oro, 2 plata i 1 bròns.

Na tur nan a regresá kas ku 12 medaya.

Boneiru kompleto ta hopi orguyoso di e hóbennan karatera di BonKarate bou di guia di Sensei Peter Silberie ku ta hasiendo tremendo trabou den karate pa ku nos isla.

Nos ta felisitá e hóbennan karateka, Sensei Peter Silberie i Boneiru kompleto ku e logro aki fin di siman pasá den kompetensianan aya na Kòrsou.

Boneiru i BonKarate pabien ku e logro aki. Riba potrètnan momentu ku e delegashon di BonKarate a biaha pa Kòrsou fin di siman pasá pa e kompetensianan, e karatekanan di BonKarate kargando bandera di Boneiru despues di e gran logro aya na Kòrsou fin di siman pasá.



Dejean a klasifiká pa Carifta

KRALENDIJK--E hóbén atleta Dejean Francees ku ta primintí masha masha hopi mes pa su futuro, fin di siman pasá a klasifiká pa Carifta. T'asina ku Dejean, hóbén prometedor di Boneiru ku ta sali for di un PB di 10.99s riba 100m a kore 16 di febrüari último un PB di 10.53s U20 i asina klasifiká tambe pa Carifta 2024. Pabien ta bai pa Dejean Francees i su tata Gianni Francees ku ta “coach” tambe di su yu ku gran éksito. Ta bon pa menshoná ku Dejean

manera nos a trese na publisidat na diferente okashon, ta primintí hopi pa su futuro. E ta dediká hopi na atletismo i lo yega hopi leu tambe ku esaki. Loke Dejean a hasi i logra fin di siman pasá ta grandi, e meresé esaki tambe pa su forma di dediká su mes na esaki.



Vitesse 1-0 riba Vespo

KRALENDIJK--Eklup di futbòl di SV Vitesse di Antriòl Pabou, fin di siman pasá pa loke ta partido nr. 41 di kampionato futbòl di nos isla, a gana di SV Vespo di Rincon ku skor mínimo di 1-0 den kontinuashon di kampionato futbòl di nos isla. Tabata na di 12 minüt di e partido ku Jhojan Palacios a hinka e úniko gol di e partido, loke a result sufisiente pa SV Vitesse a bai kas ku e tres puntonan i viktoria fo'i dje partido.

Tabata un tremendo partido klu SV Vespo na

diferente okashon a buta preshon i yega hopi serka e gol di empate pero sin resultado, ya ku e portero di SV Vitesse tabata tremendo bou di e tres latanan i asina tambe salba i tene su gol limpi pa su ekipo a bai ku e viktoria i tres puntonan bon meresí fo'i dje partido.

Hopi bon trabou di e portero di sv Vitesse ku mester i meresé tur klase di elogio pa e tremendo trabou bou di e latanan pa tene su gol limpi pa bai ku e viktoria.

Bon trabou di kiper

Apèrtura Kopa Lito 2024 djasabra awó

KRALENDIJK--Djasabra awó 24 di febrüari 2024, esaki na Stadion Antonio Trenidad na Rincon, lo tin apèrtura di Kopa Lito MCB Boneiru.

E lema pa e aña aki: “Ku disiplina bo ta gana mas”.

Programa pa e dia aki. Weganan.

Djasabra 24 febrüari 2024. 16:00 Young Boys – Redstars U11A.

16:00 Titans B – Real Rincon U11B. 17:00 Apèrtura Kopa Lito.

18:00 ATC – Real Rincon U17. 20:00 Titans – Flamingo U17.

Tur esakinan na Stadion Antonio Trenidad na Rincon. Entrada ta kompletamente grátis.

Éksito na e timnan, e muchanan ku ta nos futuronan den e torneo.

Ko'i hunga di ántes

Mayoria grandi di mucha ku a nase i lanta promé ku òf den añanan sinkuenta na Boneiru tabata pober, loke tabata reflehá tambe den nan ko'i hunga, huguete. Tur loke por a sirbi komo ko'i hunga nan tabata usa. Asina tambe kokolishinan

ku ta biba den mondinan di e isla aki.

Den mondi tin hopi di un tipo di kokolishi ku no tin nada di aber ku laman. Nan tin diferente nòmber riba e islanan ABC. Esun mas komun ta konosí serka bonerianonan

komo kokolishi karné, na Kòrsou kokolishi kalakuna. Kokolishi karné pasobra nan kaska parse e formashon di lana serka karné.

Banda di kokolishi karné tin tambe un otro sorto ku nan sa yama kokolishi kabritu. E tin un punta na su final.

Muchanan di ántes tabata traha kuránan chikitu di piedra, masoméno un meter kuadrá, i tabata pone e kokolishinan aki aden. Tabata nan karné i kabritunan. Den e tempu ei tabatin tambe 'ladron di kabritu'. E muchanan tabata hòrta kabritu di otro.

Tempu a kambia i despues di tempu aparatonan manera Nintendo, táblet i otronan a subi merkado i e weganan primitivo aki a dispersé. Tempu ku a bai pa semper.



Terracotta Sofa Bed

\$449

Dining Table

\$245



Also available in



Sofa Bed

\$475



CityShop

Smart shopping ▶ Better living



KAR
Na
VAL



Teak
Drawer Chest

\$495



Teak Dresser

\$595



Queen Teak Bed

\$875



Kaya International #36



717.3666



700.6442



CityShopBonaire